

শিখরিণী ।

।-ॐ-ॐ-ॐ-ॐ-

প্রথম অংশ

.. ++ .

[প্রাকৃত বিপ্রলম্ব, শান্তুরতি ও উজ্জলরসোন্মীশ্রিত
পদাবলী ।]

‘রসো বৈ সঃ রসঃ হেবায়ং লক্শ্যনন্দী ভবতি

শ্রীনিও

প্রকাশিত

শ্রীধাম বৃন্দাবন ।

শ্রীদেবকীনন্দন যশে, শ্রীনিতাস্বরূপ ব্রহ্মচারী কর্তৃক
মুদ্রিত ।

শ্রীচৈতন্যক ৪৩৮

..

মূল্য ১০/০ আনা

শ্রীরাধাবিনোদসেবানিরত

অদোষদর্শী, গুণগ্রাহী, রসতত্ত্বজ্ঞ,

পরম ভাগবত

রাজর্ষি শ্রীল রায় বনমালী রায় বাহাদুর

মহোদয়েব

শ্রীকরকমলে

শিখরিণী

প্রীতির নিদর্শন স্বরূপ

সাদরে

অর্পিত হইল ।

মঙ্গলাচরণ ।



“রসো বৈ সঃ বসঃ হেবান্নঃ লক্ষ্মানন্দী ভবতি ।”

শ্রুতিঃ ।

লুম-ঝিঁঝিট—মধ্যম্যান ।

“প্রেম অমূল্য রতন !

মিলে, হৃদি-জলনিধি করিলে গম্বন ।

স্বভাব সরল করে,

গরিমা গরল হরে,

সকল স্তথের তরে, বিধির সৃজন ।

রাজ-রাজেশ্বর,

প্রেম মুরতিধর,

প্রেমে বাঁধা চরাচর—নিখিল ভুবন !”

শ্রীগুরুবে নমঃ ।

মূলভান—আড়।

শ্রীগুরু কল্লতরু, পতিত-পাবন !

সম্প্রকাশ, তমোনাশ, ভব-পাশ-খণ্ডন ।

হে দেবেশ দয়াময় !

শান্তিদাতা সৰ্বাশ্রয় !

স্বকল্যাণ পয়োনিধি, দুঃখ-তাপ-বারণ !

অজ্ঞান তিমির-হর,

প্রেম-মুরতি-ধর,

শ্রীরামবল্লভ জয় !—ভকতি-ভূষণ !

অঙ্কের অঁধার ঘোর,

ব্যথীর নয়ন লোর,—

কে ঘুচায় তোমা বিনা, হে ভয়-ভঞ্জন !

শুভ সম্পাদন—

দেহি দাসে পদাশ্রয়,

‘চরণে শরণাগত,’ সখা অকিঞ্চন ।



শিখরিণী ।

—❦—
প্রথম অংশ ।
—○—

প্রথম স্তর ।

প্রাকৃত বিপ্রলম্ব ।

কেদারা—আড়াঠেকা ।

• কি জানি কেমন করে মন ! : ,
অকারণ কেন হয় হেন উচাটন !

দিবা মিশি গর গর,
“ হিরা মাঝ থর থর,
আকুল পরাণ অতি বিকল জীবন !
• পরাণ পুতলী দলি’,
সাধ আশা গেছে ফলি,
ব্যথা মাথা অথ হেথা করে বিচুরণ ।

বেদনার ভোর দিগে,
 ফেঁ যেন বেঁধেছে হিরে,
 বাসনা, বিজনে বসি' কাঁদি সারাক্ষণ !
 ভাবনার শেষ নাই,
 কি ভাবি, ভেবে না পাই,
 কেমন এ ব্যাধি, মোরে কবে কোন জন ?
 কোন্ তন্ত্বে মত্ত মন,
 কারে করে অশ্বেষণ,
 • কাব তরে ভেবে মরি, কোথা বা সে জন ?
 অজানা স্থলের দেশে,
 যেন রে চ'লেছি ভেসে,
 কোথা শেষ ?—শেষ কিরে হবে না কখন ? ১ ।

স্বরট মোল্লার—একতাল। ।

আজো সেই কথা জাগে মনে ।
 না জানি কি কণে, দেখা তার সনে,
 নয়নে নয়নে !
 সে কি দৃষ্টি—সুধা বৃষ্টিপাত যেন,
 ছদি আধিলতা করি প্রকালন,

চকিতে এ চিতে করিল আসন,
অবাক হইলু সে ভাব দর্শনে ।

সহসা বহিল দখিণানিল,
গিক, পাপিয়া ঝঙ্কার দিল,
মোহিনী মূবতি প্রকৃতি ধবিল,
ভবষে হাসিল চাঁদ গগনে ।

জদয়েব মানে সুধা প্রস্রবন,
নিনেমেষে অগনি হইল সৃজন,
স্নেহ প্রীতি রসে ভরিল জীবন,—
প্রতি শিরা মাঝে সুধা সঞ্চারণে !

- এক দিনও আশা কবিনিক হাব,
এক দিনও ফিরে চাহিনি আদাব,
সাধ ক'বে কই ভাবিনি ত আন,
ভবু সেই দেখি গাঁথা ধ্যানে জ্ঞানে !

নে যে কে, কিছু নাহি জানি তার.

- যে হো'ক, সে হো'ক, কি ভায় আমার, '৭
শত ভাবময় সেই আঁখি তার,
• চির আঁকা হ'রে আছে মের প্রাণে ! ২ ।

ভৈরবী—যৎ ।

কি জানি কি আছে মাথা তোমার বয়ানে !

নয়ন ফিরাতে নারি, চাহিলে ও মুখ পানে !

মনে করি নাই প্রভু ।

অবোধ বালিকা কভু,

দেবতাব প্রেম লাভ করিবারে পারে !

স্বরগ দিয়াছ কবে,

স্নেহ করি এ দাসীরে,

স্থান দে'ছ হৃদয়ের নিভৃত আগারে !

বুঝি না কেমন সুখ,

দেখিলে তোমার মুখ,

কি এক উল্লাসে যেন ভ'রে উঠে মন !

ভুলে যাই অপনারে,

মনে হয় একেবারে,

আব কেহ নাই শুধু আমরা দুজন !

পারিজাত পরিমল,

স্বরগের পূর্ণ ফল,

ঋণলোক, ঋণলোক সে সুখ কি ধরে—

যে সুখ তোমার মুখ দাসীরে বিতরে !

প্রাকৃত বিপ্রলভ

৫

সারা দিন, সারা নিশি,
এমনি সমুখে বসি,
হাসি মাথা মুখ খানি দেখায়ো আমি
আর কিছু নাহি চাই,
আর কোন সাধ নাই,
দাঁসীর এ ভিক্ষা নাথ। তোমার চরণে। ৬

সিন্ধু ভৈরবী—আড়া।

কেন প্রাণ দেখিবাবে তারে তোর এ যতন ?
বল কি হরষে ভাস' লভি' তার দরশন ?
নিশি দিন চোকে চোকে,
এত যে দিছিস রেখে,
ভুবু ও দরশ তমা মিটিনে না কি কখন ?
বদনে অমিয়া করে,
নয়নে পীযুষ ধরে,
তাই বুঝি অনিমিষে পিতে সাধ অতৃষ্ণ ? ৮।

সোহিনী-বাহারু—কাঁপতাল।

কে বলে নয়ন তব শুধুই অমিয়া করে ?
কহু সুধাধাব দেখি, কহু বিষ বাণ ধরে !

ক্রধনু কুঞ্চিত ক'রে, কুটিল অপাঙ্গ শরে,
 হানিয়া মরম তল, আকুল ব্যাকুল করে !
 কভু নিক শান্তি ছায়ে, শুশীতল মৃদু বায়ে,
 জুড়ায় এ শ্রান্ত প্রাণ, শান্তিময় সমাদরে !
 কভু তীর হলাহল, ঢালিয়া মরম তল,
 শান্তির আলয় মোর ছিন্ন ভিন্ন চূর্ণ করে !
 কভু শাস্ত নীলোৎপল, কভু চকিত চঞ্চল,
 কভু দিঠি সঙ্করণ, কভু নত লাজ ভরে !
 কভু প্রীতি স্নেহ মাথা, কভু বা অশনি ঢাকা,
 'বুঝিতে নারিহু দেবি ! ও আঁখি কি গুণ ধরে ! ৫

ভৈরবী—৪৭ ।

না জানি কি আছে সখা ! তোমার নয়ানে—
 হরমে শিহরে প্রাণ, যদি চাহি মুখ পানে !
 কেমন আপনা ভুলি',
 যদি কভু মুখ ভুলি',
 চাহিতে নয়নে হয় নয়ন মিলন !
 যেন অপরাধী কত,
 লাজ ভরে আকুলিত,
 'অধীর ব্যাকুল চিত, হয় গো তখন !

কখনো আদর করি',
 স্নেহে দু'টী হাত ধরি,
 সুধাইতে কত শত মধুর বচন।
 না ফুটিতে আধ বুলি,
 আধেক যেতাম ভুলি,
 কি জানি কেমন প্রাণ হইত তখন !
 কে তুমি ?—কেন গো মোরে,
 বাঁধ এত স্নেহ ডোরে,
 তুমি কি গো স্বরগের করুণ দেবতা ?
 দেবতা না হবে যদি,
 এত স্নেহ মাখা ছদি—
 কার আছে ?—কার এত করুণা মমতা ? ৬ ।

বিঁবিট-খান্ধাজ—কাণ্ডালী ।

কি আর চাহিবে দাসী, কিবা আছে চাহিবার ।
 তুমি ত আমারই নাথ ! আমিত তোমার ।
 বল কি চাহিব আর,
 তুমিত সকল সার,
 যে ধনী, এ ধনে ধনী, অতাব কি আছে তার !

শিখরিনী ।

অফোগ্য যে জন, তারে,
কেবা বল সমাদরে ?
তবু ত ত্যজনি তারে, সে গুণ কি ভুলিবার ?
দাসী ব'লে রেখা পায়,
আর কিছু নাহি চায়,
ও চরণে মতি যেন রহে চির দিন তার । ৭ ।

পাহাড়ী—জাড়া ।

সাধ যায় প্রাণ সখা ! মানস মন্দিরে,—
রাখি তোমা নিশি দিবা, পূজি' সমাদরে !
আনন্দ-অধীর প্রাণে,
স্থাপি হৃদি সিংহাসনে,
নির্নিমেষে দেখি মুখ, অলস আবেশ ভরে !
তিলেক বিচ্ছেদ ভয়,
আর ঘেন নাহি রয়,
প্রাণে প্রাণ গাঁথা হ'বে থাক হে অন্তরে ! ৮

বেহাগ—কাওয়ালী ।

না জানি ও পদ তব কি গুণধরে !
 এত যে মরম জ্বালা, নিমেবে শীতল করে !
 দাসী বলে নাহি চাও, হাসি মুখে না সুধাও,
 ভুলিব সকল চঃখ, রাখ পদ হৃদি'পবে !
 সুরগ লভিব চাতে, দাও শ্রীচরণ মাগে,
 কোথা চঃখ তার, যার ও চরণ অধিকাবে ! ৯ ।

সিন্ধু-কাফি—আড়াঠেকা ।

ভাবি, তোমার ভাবিব না, দেবতার দিব মন—
 কার মনে ভগবানে করি আশ্রয় সমর্পণ !
 ভূমি ভাব' সাধ ক'রে,
 চঃখ পাই তৌমা তরে ;
 আমি ত ভুলিতে যাই, ভুলিতে বাড়ে বেদন ।
 কামনা,—যাতনা-মূল,
 জগত শুধুই ভুল,—
 বুঝি, বুঝে না ত প্রাণ, হয় তবু উচাটন !

শিখরিণী ।

ইষ্ট দেবে স্থাপি হৃদে,
ধ্যানে বসি আঁধি মুদে,
চকিতে বুঝিতে পারি, সে ধ্যান তোমারই ধ্যান !
কি ধ্যান করিব তাঁর, তুমি হৃদে সারাক্ষণ ! ১০ ।

কাফি—বাঁপতাল ।

কেমন এ প্রেম-প্রথা বুঝিবারে নারি !
সে হাসে বিরলে বসি, আমি কেঁদে মরি !
যে কভু হবে না মোর,
তারি ভাবে মন ভোর,
যে সাধে হয় না তার, যে দলে হয় গো তারি ।
যত মোরে ঠেলে পায়,
তত প্রাণ তারে চায়,
যে চাহে তারে ত প্রাণ, দেখিতে চাহে না ফিরি । ১১ ।

সিন্ধু-ভৈরবী—আড়াঠেকা ।

স ভাল যদি না বাসে আমার ।
আমি কেন ভুলিব তাহার !

বিরলে গোপনে বসি,
 স্মরিব সে মুখ শশী,
 সে কেন ভাবিবে মোরে, আমি ত ভাবিব তার !
 আমি কেহ নহি তার,
 সে ত মোর আপনার,—
 জীবন সর্বস্ব মোর, বিকিয়েছি তার পার ! ১২ ।

বিঁঝিট-খান্ধাজ—মধ্যমান ।

সে কি জানে, কি যাতনা প্রাণে ! (তারি অদর্শনে ।)
 তা' হ'লে কি ভুলে র'ত, নিতান্ত অধীনী জনে ।
 মোর বুক ভরা ব্যথা,
 তার শুধু মুখের কথা,
 আমি কাদি তার তরে, সে হাসে গোপনে ! ১৩ ।

খান্ধাজ—কাণ্ডয়ালী ।

সে কেন ছল্ল'ত এত, ধারে এ হৃদয় চায় !
 বুঝালে বুঝে না মন, তবু তারি দিকে ধায় !

শিখরিণী ।

কত মতে ছলে কলে,
বারেক দর্শন পেলে,
কি হয় প্রাণের মাঝে, সে কথা কহিব কার !
স্বর্গের বিভব যত,
তুচ্ছ হ'তে তুচ্ছ সেত—
চরণে ঠেলিতে পারি,—সে যদি বারেক চায় । ১৪

সিন্ধু-ভৈরবী—আড়াঠেকা ।

ভাল বেসে ভাল থাক', যাবে তুমি ভাল বাস,
এ বাসনা ভিন্ন আর নাহি সখা ! কোন আশ ।

প্রেমের পিয়াসী নই,

কভু ও চবণ বই,

ছিল না গো এ দাসীর সে সুখ তির্যাস !

রাস বা না বাস ভাল,

ভাল থাক, এই ভাল,

সুখী হও, এই সুখ, নাহি অন্য অভিলাস । ১৫

বসন্ত বাহার—আড়া ।

কোথা পাস এত বারি বল আঁখি অভাগারে—

লুকায়ে রেখেছ বুঝি জলনিধি হৃদাগারে ?

জনমিলি যেই ক্ষণ,

আরস্তিলি ববিষণ,

যুগ যুগান্তর হ'ল, তবু ত থামিল নারে !

আর কত কাল ধরি,

আঁখি ! তোর অশ্রুবারি,

ঢালিবি এ মরুতলে, এত অবিরাম ধাবে !

কেন তোর এ রোদন ?

কাব লাগি এ বেদন ?

কেন হুঃখ ব্যথা ল'রে, জনমিলি এ সংসারে ! ১৬

বাগেশ্রী—আড়াঠেকা ।

কার লাগি অমুরাগী অবোধ হৃদয় !

পাশাপাশি বাসিয়া ভাল বল কিবা কলোদয় ?

ভাবিয়া আপন জন,

বাহারে মঁপিলি মন,

তাহারই হৃদয়ে আজি যুগার উদয় !

শিখরিণী •

চরণের মূলে বার,
দিনি প্রাণ উপহার,
এই কিরে হ'ল তার স্নেহ বিনিময় !
ফেটে যা' ফেটে যা' বুক,
চাহি না ধরাব সুখ,
মিছে আশা, ভাল বাসা, সে যদি নিদ্রয় ! ১৭

জয়জয়ন্তি—আড়া ।

যার লাগি প্রাণ কাদে সে কেন বুঝেনা প্রাণ !
দয়া লেশ নাহি তার, হৃদে জানে বিষ বাণ !
আমি কাদি যার তনে,
সে ত গো চাহে না কিরে,
কাদি কাদি সাধি যত, তত করে হতমান !
কাবে বিধি অকারণ !
কেন হেন নিদাকণ—
করিলি রে তার হৃদি, যারে হৃদে করি ধ্যান ! ১৮

পীলু-বাঁরোয়া—ঠুংরি ।

হাবে অবোধ হৃদয় !

অকারণে কেন এত আকুলিত হয় !

সে যে দেবী স্বরগের,

কেন মর্ত্য-মানবের,

দাকণ মবম ব্যথা বুঝিবে গো হয় !

অথবা দেবতা হ'লে,

পদতলে দ'লে দ'লে,

দিত না ফেলিয়ে প্রাণ এত উপেক্ষার !

জানি সে আমার নহে,

তবু কেন চিত দহে,

কেন বিষবহ্নি-ময় মরম নিলুর !

মনে করি ভুলে যাই,

স্বতির বিনাশ নাই,

অভাগারই হৃদে রহি', দহে অভাগার ১২১ ।

বিঁবিটি—একতাল ।

স্বপ্ন সাধ সব, গিয়াছে ফুরায়ে

আছে শুধু জাগি, বেদনা!

শিখরিণী ৭

আশার কুয়াসা, • কল্পনা কুহেলী,
গিরেছে, মিটেছে বাসনা ।
আর কারো তরে, ভাবনা নাই,
নিভৃত হৃদয় মাঝার,—
কেবল বেদনা, বেদনা ভরে,
করে শুধু হাহাকার !
আপনা বলিতে, আপনা ভাবিতে,
আর কেহ মোর নাই ।
তহু মরু শুধু, উগারে অনল,
শিখা-শ্বাস বহে তাই !
তবে যে এ আঁখি, বরষে সতত,
এ শুধু আনন্দ লোর ।
কেহ নাহি ধার, সব আছে তার,
সেই সুখে আছি ভোর ! ২০ ।

ভৈরবী—আড়াঠেকা ।

কেমনে ভুলিলে স্বধি-শৈশব স্বপন ?
আর কি সে সব কড় হবে না স্বরণ ?

সেই মৃদু বায়ু ভরে,
 ছলিছে নলিনী সরে,
 আকাশে সুহাস শশী ভাসিছে তেমন—
 ভবে কেন সেই ভাব নাহিক এখন ?
 তখন যে কত আশা,
 কত স্নেহ ভালবাসা,
 রেখেছিলু সঙ্গোপনে করিয়ে যতন,
 কোন্ প্রাণে বিসর্জিব সে সব এখন ?
 সজনে কি নিরজনে,
 স্বপনে কি জাগরণে,
 যে জাগিত অনুদিন মানস-মোহন,
 কেমনে ভুলিব, সে কি ভুলিবার ধন ?
 • ভুলিতে পার দাসীরে,
 দাসী কি ভুলিতে পারে ?
 চির দিন পূতঃ প্রেমে পূজিবে চুরণ,
 স্বামীর চরণে বাঁধা সতীর জীবন । ২১ ।

টোরী-ভৈরবী—মধ্যমান ।

দেখা ফিরে ফিরে কেন হয় !
 কেন তার দেখা মিলে যে জন আপন নয় !
 মনে করি যাব না গো,
 আর দেখা দেব না গো,
 কাটুক মরম-তল কহিব না কায়,
 তবু যদি মাঝে কেন হয় গো উদয় !
 হারে রে অভাগা বালা !
 এত যে লভিলি জালা,
 দহি' দহি' ভস্ম হ'ল মরম নিলয়,
 তবু কেন তার তরে আকুল হৃদয় !
 কেন হেন ভাল বাসা,
 কেন হেন সুখ আশা ?
 নাহি হেথা স্নেহ সুখা, আছে হলাহল,
 নব-রুদি ঘি' হায় লভিলি কি ফল ?
 অনন্ত হঃখের সাথে,
 কেঁদে কেঁদে পথে পথে,
 বেড়া তুই দিবা রাতে, করিতে জীবন লয়,
 বাস্ নারি তার কাছে, যে হঃখে কাতর নয় !

ঝাঁঝিট খান্ধাজ—ঠুংরী ।

ষাড়ুক প্রাণের জালা জলুক হৃদয়, ,
 এ জীবনে সে যাতনা দেখাবার নয় !
 পাতকী কি যেতে পারে দেবতার কাছে !
 দেবতারে সে কলঙ্ক পরশয় পাছে !
 না-না আর যাবনা গো দেখাব না ছদি,
 জলিয়া জলিয়া ক'ভু নিবে যায় বদি,—
 যাক্, যাক্—নিবে যাক শূন্য হোক প্রাণ,
 হৃদয় অশান হোক পাষণ সমান !
 ভালবাসা, প্রীতি, স্নেহ যাক্ একে একে,
 সুখী হব, সুখে রব তারে ভাল দেখে ! ২৩

ঝাঁঝিট—একতাল।

উথলি' উথলি', হেলি' হেলি' : ছলি',
 কোথা প্রেমময়ী অচল বালা !—
 কিবা সুখ আশে, কিবা অভিলাষে,
 চ'লেছ ভূমিরা লহর মাজা ?
 কার গুণ গাও, কার কৃপা কও,
 কারে বা জানাও মরম বেদন !


~~~~~

কষ্টের ধরায়,                      কেহ নাহি হয়,  
 • বুঝিবারে চায় ব্যথীর রোদন !  
 কাঁদ' লুঠ' পায়,                      ফিরে নাহি চায়,  
 হাসিয়ে পলায়, করি অবহেলা !  
 দিবে যাবে প্রাণ,                      সেত তার প্রাণ,  
 দিবে না,—দিবে লো দাক্ষণ জালা ! ২৪

### ভৈরব—একতালা ।

কাল মেঘ রাশি,                      বাইবে চলিয়ে,  
 আবার তপন গগন গায়,—  
 উদিবে আসিয়ে,                      আনন্দে ভাসিয়ে,  
 সরসে নলিনী হাসিবে ভায় ।  
 প্রদোষ আসিবে,                      হরষে মাতিবে,  
 যতেক কানন-কুসুম কুল,—  
 শশধর করে,                      চল বাঁত ভরে,  
 আনন্দে উথলি' ছলিবে যুগল !  
 দেখিতে দেখিতে,                      সবার হৃদয়,  
 • স্নেহ নীরে পুনঃ ভাসিবে রে !

অভাগা হৃদয়,                      এক ভাবে সদা,  
 অনন্ত জ্বালায় জ্বলিবে বে !  
 নাই সুখ লেশ,                      দুঃখের পাথার্দে,  
 নিয়ত হৃদয় তাসিষে যায় !  
 জীবন আলোক,                      দেখিতে দেখিতে,  
 এমনি করিয়া নিবিবে ছায় ! ২৫ ।

লগ্নী—১৭ ।

এত দুঃখ লভিলি,                      হৃদয় ভাঙিলি,  
 তবু মানা মানিবি না !  
 কিশোর জীবন,                      কাঁদিয়া যাপিলি,  
 তবু আশা ত্যজিবি না !  
 কত মঞ্চায়,                      সুখময় স্বপন,  
 দেখিলি আশা ভরে !  
 যত সুখ সাধ,                      কত নব বাসনা,  
 রাখিলি হৃদি ভ'রে !  
 করুণ নয়নে,                      চেয়ে র'লি মুখ পানে,  
 আশা কহিল কত কানে ।

টুটিল স্বপন,                      ঘুটিল ভরম,  
                                          বাজিল দারুণ প্রাণে !  
 সুধীর শ্বাস,                      বহিল সুধীরে,  
                                          চাপিলি ধীরে হৃদয় ।  
 তিতিল অঞ্চল,                      তিতিল ক্ষিতিল,  
                                          ভাঙিল মরম নিলয় !  
 যে শঠ আশা,                      এত দুঃখ দিল,  
                                          তবু তারে দলিবি না !  
 ও করুণ মুখ পানে,                      যেনা ফিবে চাহিল,  
                                          তারে তবু ভুলিবি না ! ২৬ ।

### কালান্ধা—যৎ ।

ভাল বাস না বাস, বল মুখে, 'ভাল বাসি ।'  
 গোপন মরম কথা কাজ কি প্রকাশি' ?  
                                          আছি ভাল তাবে ভোর,  
                                          ভেঙোনা স্বপন ঘোর,  
 হোক মোহ, মোহ, মোর হ'লে থাক অবিনাশী ।

তোমার মন তুমি জান,  
আমি ত দিয়েছি প্রাণ,—  
সেত আর ফিরিবে না ;—চির বাধা পদে দাঁসী । ২৭ ।

### বাগেশ্রী—আড়াঠেকা ।

কাঁদ—কাঁদ লো যামিনি ।  
অজস্র নয়নাসারে ভাসাও মেদিনী ।  
হাস' হাস' অট্টহাস,  
ভাষ' ভাষ' বজ্র ভাষ,  
কার তরে ?—কে শুনিবে তোমার কাহিনী !  
কেহ ফিরে চাহিবে না,  
কেহ শ্বাস ফেলিবে না,  
হেরি তোর কালী-মাথা বিষম মুখানি !  
কঠোর কঠোরতম,  
শীলা, শেল, বজ্র সম—  
মানব প্রকৃতি মতি, জ্ঞান না কি ধনি !  
বিবাদ মরম-গাথা,  
প্রাণের প্রবল কথা,  
নীরবে খুলিবে প্রাণ গা'লো আগনি ।

## শিখরিণী ।

যদি কেহ নাহি শুনে,  
তুলিয়ে পরের কানে,  
কি ফল বল্‌লো তায়, লভিবি স্বজনি ! ২৮

## বেহাগ—আড়াঠেকা ।

সুখের কল্পনা মম এ হৃদয়ে ছিল যত,  
বিসর্জিব কাল-স্রোতে আজি গো জনম মত  
এ হৃদয়ে যত আশা,  
আছে স্নেহ ভালবাসা,  
নিমেষে ফুরা'বে সব, যা'ছিল সুখের ব্রত !  
আর কাছে কাঁদিব না,  
আর কভু দেখাব না,  
কি বিরাজে হৃদি মাঝে আকুলি' সতত !  
রাখিলে না পদতলে,  
ডাকিলে না দাসী বলে,  
স্বপ্নায় হাসিলে কত, দেখি পূর্বে অনুরত !—  
তা' ব'ন্ধে ভেব' না মনে,  
বেদনা পে'য়েছি প্রাণে,  
ভাল বাসিলে না ব'লে হ'য়েছি ব্যথিত ।

ভাল বাসা চাহি নাই,  
কভু ভাল বাসি নাই,  
শুধু তোমা দেব-ভাবে ভাবিয়াছি' অবিরত ! ২৯ ।

পীলু—যৎ ।

আজি নাথ ! অভাগিনী এই শেষ ভিক্ষা চায়,  
হাসি-মুখে এ দাসীরে দাও হে চির বিদায় !  
প্রবোধে কি প্রয়োজন,  
বুঝেছি তোমার মন,  
মুখের আদর সখা ! কেন আর তায় !  
ছিঁড়ে ফেল স্নেহ পাশ,  
একটা সুদীর্ঘ শ্বাস,  
ফেলিবে না অভাগিনী, দুঃখ করিবেনা তায় । ৩০

ভৈরবী—কাঁ ওয়ালী ।

দাঁড়াও—দাঁড়াও সখা ! চাহ এক বার !  
আঁখি ভরে দেখে যাই মুখানি তোমার !

## শিখরিণী ।

(যদি) কহিতে দাসীর মনে,  
প্রীতি নাহি পাও মনে,  
ক'রো না, ক'রো না কথা, হাস একবার !  
বিজনে গহনে ফিরি,  
কাঁদিব তোমারে স্মরি,  
(ও চরণে মতি যদি থাকে গো আমার,)  
জনমে জনমে দাসী হইব তোমার ! ৩১ ।

## ঝিঁঝিট—মধ্যমান ।

যাই—যাই, জনমের মত দেখে যাই !  
দাঁড়াব না—দাঁড়াতে গো দাসী আসে নাই !  
শেষ দেখা দেখে যাব ব'লে,  
এত কাছে এসেছি গো চ'লে,  
দেখিব ও মুখ ধানি, আর কোন সাধ নাই !  
আর গো অমন ক'রে,  
স্বগার ক্রকুটী ভরে,  
চে'রো না গো, কমা কর,—বড় প্রাণে ব্যথা পাই ! ৩২ ।

## প্রাকৃত বিশ্রলভ ।

২৬

### বিঁবিট-খান্ধাজ—মধ্যমান ।

কে বলে প্রণয় অধা,—এ যে শুধু হলাহল !  
শুনিতে অথের বটে, পিয়ে যে সে বুঝে ফল !

ধক্ ধক্ করে প্রাণ,  
দিবা নিশি আনুচান,  
বিধানল জলে শুধু হিয়ামাঝে অবিরল ।  
অধা ভ্রমে কেন হায়,  
সবে বিষ পিতে ধায়,  
সে যে মরিচীকামর, মরুভূমে যথা জল ! ৩৩ ।

### টোণী-ভৈরবী—আড়াঠেকা ।

এ বিশাল বিশ্ব মাঝে কে আমি হেথায় !  
হঃখ, ব্যথা ভার বহি' চ'লেছি কোথায় ?  
দাঁড়াবার তিল ঠাই—  
কিছু নাই, কেই নাই,  
তবু আমি কোথা যাই, কিসের আশায় ?  
ছিল হেন, এক দিন,  
সহসা হ'য়েছে নীন,  
কতই মধুর-শোভা হে'য়েছি ধরায় !



## শিখরিণী ।

আর আজি একি দেখি,  
যে দিকে ফিরাই আঁখি,  
বিরস নীরস বিশ্ব শশানের প্রায় !  
করুণা মমতা ভরা—  
এই কিরে সেই ধরা ?  
এ যে দেখি পূর্ণ সব বিদ্যেয় ঘণায় !  
কোথায় জুড়াই প্রাণ,  
জুড়াবার নাহি স্থান,  
হে বিধি দয়ার নিধি ! দাও ঠাই পায় । ৩৪

## কানাড়া—আড়া ।

কই দুঃখ—কোথা দুঃখ ? হরষে উথলে বক,  
সুখ হাসি ভরা দেখি এ বিশ্ব আধার !  
সবাই অশ্রুভাসে, সবাই মধুর হাসে,  
শান্তিময় শোভা ময়ু নিখিল সংসার !  
হাস্য-বিধি ! তবু একি ! কেন প্রাণ থাকি' থাকি',  
পূর্ব স্মৃতি তুলি' পুনঃ বাড়ায় আঁধার !  
দাও বল এ হৃদয়ে, তব পুতঃ নাম ল'য়ে,  
যেন গো বহিতে পারি এ বেদনা ভার ! ৩৫ ।

## প্রাকৃত বিপ্রলভ ।

৩১

### বাঁরোয়া—যৎ ।

হায় বিধি ! তুমি কি হে বধির এমন ?  
পশে না কি তব কানে প্রাণের রোদন ?  
প'ড়েছে দাঙ্গণ বাজ,  
ছিঁড়েছে মর্মের মাঝ,  
আছি মাত্র দাঁড়াইয়ে স্থাণুর মতন ।  
হৃদয়ের প্রতি শিরা,  
মরমের প্রতি গিরা,  
দীর্ঘ চূর্ণ, বহি' ঘোর প্রলয় পবন !  
অশ্রু নয়-রক্ত স্রুতি,  
নিশ্বাস—প্রলয় গীতি—  
ক্ষীণ রেশ্ উঠে, হৃদি করি বিদারণ ! ৩৫ ।

### ঝাঁঝিট—একতালা ।

গারে পানিরা,                      পিছ পিছ বোলে,  
ঢাল রে অমিরা তান !  
গুন গুন স্বরে,                      গা'রে ভরসা,  
মাতৃক অলয় প্রাণ !

## শিখরিনী ।

হাস শশধর,                      হাসাও মেদিনী  
তালি তালি সুধারামি ;  
চকোর চকোরী,                      পুলক পরাগে  
শশী সুধা কর পান ।  
সুধাকর করে,                      ঝকি ফুল বালা,  
মধুর মৃদল বাতে !  
হেলি' হেলি' ছলি'                      হাসি হাসি মুখে,  
গাবে হরষ গান !  
শুধু অভাগিনী                      বিয়োগ বিধূরা  
কাদে কাতর মনে,  
হাসি রামি মাঝে,                      দাও রে ডুবানে,  
ব্যথীর ব্যথিত প্রাণ । ৩৭ ।

## কাফি-সিন্ধু—ঠেকা ।

• প্রণয়ের প্রতিদান নাহি কি ধরায় ?  
এত ভালবাসা কিগো ব্যর্থ সমুদায় ?  
ভাল বাসি আমি যারে,  
সে ভাল বাসিবে ফিরে,  
আঁখিতে আঁখিতে বাধি রাখিবে আমায় ।

বুঝিবে মরম ব্যথা,  
জানিবে মনের কথা,  
এক মন, এক প্রাণ হব' হু'জনায় ।  
একের বিচ্ছেদ আর,  
সহিবে না কেহ কার,  
চির দিন গাঁথা রবে, হিরায় হিরায় ।  
তেমন যদি না হয়,  
এ প্রেমে কি ফলোদয় ?  
তবে কেন হাহাকার,—মুখের কথায় ? ৩৮

### ভৈরব—একতালা ।

সঁপিয়ে হৃদয়, চাহ বিনিময়,  
কেন ভাল বাসা বাসিলি এমন ?  
যাহে দিবা নিশি জালা, চিত্ত বিকলা,  
কামনা অনলে দহে প্রাণ মন !  
কায় মন দিগে, আপনা ভুলিয়ে,  
পারিবি না যদি ঢালিতে জীবন ?  
তবে—যুছে কেল শ্রুতি, সে রম শ্রুতি,  
হৃদি হ'তে চিত্ত কর বিলম্বন ।

এ প্রেম পিয়াসা, নহে ভালবাসা,  
 রূপের তিয়াসা মরম-পীড়ন !  
 ভাল বাস যদি, পূর্ণ তব হৃদি,  
 (যাচিবার আর, কি আছে তোমার ?)  
 প্রেম মন্দাকিনী বহি' অনুক্ষণ,  
 স্নিগ্ধ কুসুমিত হৃদি-কুণ্ডলন ! ৩৯ ।



# শিখরিণী ।

—○—

## দ্বিতীয় স্তর ।

—●●—

শাস্ত্র-রতি ।

—○—

### সোহিনী-বাহার—ঝাঁপতাল ।

কালের করাল স্রোতে ভাসিয়া চ'লেছি সবে;  
কে জানে কোথায় এই মহাযাত্রা সাক্ষ হবে !

আসিলাম কোথা হ'তে,

চ'লেছি বা কোন্ পথে,

পরিণাম কিবা তার, কেবা মোরে কবে ?

কি সহ্য উদ্দেশ্য ধ'রে

কোথা ল'য়ে যাব মোরে,

দিকহীন, কুলহীন; আঁধার এ ভবে !

কে আমি, কোথায় যাই ?

সত্যই কি কুল নাই ?

কেহ কি নাই গো হেথা, হাত ধ'বে তবে ?

থাক যদি কেহ হেথা, . .  
 একবার কহ কথা,  
 চিরদিন দুঃখ-ব্যথা বহিতে কি হবে ?  
 বড় আশ্চর্য,—শান্তি চাই,  
 কেমনে গো শান্তি পাই ?  
 কিসে বা জুড়ায় প্রাণ, কি উপায় তবে ?  
 বল, বল, কথা কও,  
 কেবা তুমি ?—যেবা হও—  
 শরণ লইব পদে ;—যা হবার হবে । ১ ।

### বেহাগ—কাওয়ালী ।

কেন মন মুখ আশা, কার তরে লালসিত ?  
 অসার অনিত্য বিশ্ব, মোহ মারা বিজড়িত ।  
 সংসার তরুর তলে,  
 শান্তি পাবে ভেবেছিলে,  
 কোথা শান্তি ? দুঃখ জালা হর হেথা বিজড়িত !  
 কেবা পুত্র কেবা কন্যা,  
 অবিজ্ঞা মোহের ছায়া,  
 নাহি মুখ তৃপ্তি-তার, শুধু বিশ্ব বিজড়িত !

একমাত্র সারাসার,  
এ মিথিল বিশ্বাধার,  
চাল প্রাণ পদে তাঁর, পাবে শাস্তি অনিশ্চিত । ২ !

### বাঁকিট খান্ধাজ—ঠুংরি ।

অনাথ-নাথ প্রভু দীন শরণ !  
তোমারই ভরসা ক'রে এ পতিত জন ।  
বড় আলা প্রাণে অহরহঃ,  
কিসে এ দাহ ঘুচে কহ কহ,  
শীতল চরণে তুলে লহ লহ,  
ত্রিতাপীর তাপ প্রভু ! হোক বিমোচন ! ৩ !

### কীর্তনের সুর—লোক ।

সুখের লাগিয়া, ভ্রমিলি কগৎ  
কোথার পাইলি সুখ ?  
বাহারের বরিণি, সুখের বলিয়া,  
সেই দিক কোথায় হুহু !



স্বরস বলিয়া,                      পদ্মাণ ভরিয়া

পাইলি সে রস বত ;

পরিণাম ফল,                      উঠিল গরল,

পাইলি বেদনা তত !

ক'র অকৃতমঃ,                      মোহ, মায়া ভব,

ঘেরিয়া রেখেছে তোরে ।

কেমনে বাঁচিবি,                      কিসে বা এড়াবি,

ভুবি নি প্রমাদ ঘোরে !

আর কেন প্রাণ,                      আপন কল্যাণ,—

বুঝিয়া সুপথে চল ।

জানি করবালে,                      ছিঁড়ি মায়াজালে,

অগদীশ জয় ! বল ।

মোহের ছদ্মসা,                      কামনা বাতনা,

সকলি পলাবে ঘুরে ।

পারি শাস্তিধাম,                      লভিবি বিদ্যাম,

বাপিবি আনন্দ-পুরে । ৪ ।

ইমনু কল্যাণ—আড়াঠেকা ।

চাই একবার !

কাঁদি কাঁদি, বুক বাঁধি, ফিরিব গো কত আর ?

খুঁজিছু সকল ঠাই,

আপনার কেহ নাই,

জুড়াতে এসেছি তাই, চরণে তোমার ।

তুমি হে তোমারি নাম,

প্রেম-করুণা ধাম,

তুমি কি দিবে না স্থান, হইবে না আপনার ?

তুমি ও যদি না চাও,

মনোব্যথা না সুধাও,

কোথা যাব বলে দাও, কে আছে আমার ।

বড় আপনার ব'লে,

দিবু প্রাণ পদতলে,

রাখ বা না রাখ পদে, যা' হয় বিচার । ৫ ।

টৌরী—কাওয়ালী ।

দিন খেল হে দীন-শরণ !

নিছে হ'ল আসা যাওয়া, বুঝা এ দেহধারণ !

হিয়া কাঁপে থরহরি,  
 •হেরি ভব কাল বারি;  
 নিবার হে কালবারি!—এ ভর, দিগে অভয় চরণ!  
 শুনেছি তোমার নাম,  
 সর্ব সুখ-শান্তি-ধাম,  
 সে সাহসে এসেছি হে জানাতে মনোবেদন।  
 তব অমুগত জন,  
 পায় তব শ্রীচরণ,  
 শুধু কি বঞ্চিত হ'বে, অধম এ অকিঞ্চন । ৩ ।

### পুরবী—আড়াঠেকা ।

এ ভব-সাগর মাঝে তুমি হে ভব-তারণ!  
 দীনের হুরিত-হারী, বিপদ-ভয়-বারণ!  
 সত্যের আধার তুমি,  
 আশের শ্রীতির তুমি,  
 করুণা-বরুণাগার, শান্তি-সুখ কারণ!  
 অভাবে কাতর আশে,  
 যে চাইে তোমার নামে,  
 তূর্ণ পূর্ণ-কীর্তি সেই, লভে মহামুগ্ধ-ধন!

এমন দরাস পানে,  
যে জন চাহিতে জানে,  
হৃৎ তাপ কোথা তার ? হৃদে শাস্ত্র-নিকেতন ।  
জর জর বিশ্বনাথ !  
করি শত প্রণিপাত,  
শ্রীচরণে দাও স্থান, লইবু শরণ । ৭ ।

### সিদ্ধু-ভৈরবী—আড়াঠেকা ।

বুক ভরা হৃৎ লয়ে এলেছি কাছে !  
তরে মরি, হৃৎখী ব'লে, না দেখ পাছে !  
কত হৃৎ পেয়েছি গো,  
কত জালা স'হেছি গো,  
দেখিবে কি বুক মোর, কি ব্যথা বাজে !  
কেহ নাই আপনার,  
হানে নাই কুফলবারি,  
তাই গো চরণে স্থান, এ দীপ্য রাখে ।

তুমিও কি সুধাবে না ?

“আঁখি-জল মুছাবে না ?

তবে কার কাছে যাব, কে আর আছে ? ৮ ।

ইমন্—কাণ্ডয়ালী ।

জয় জগদীশ জগ-বন্দন !

পাপ, তাপ, ব্যাধি মোচন—ভব খণ্ডন !

অনাদি অখিল কাবণ,

সকল জীব-জীবন,

বিধি-ভব-জনন, নিখিল-ভয়-বারণ !

দেব দেব দয়াদয়ন,

পতিতজন পাবন,

ভকত মনোমোহন, যোগীজন-রঞ্জন ! ৯ ।

মুলতান—এককালী ।

নয়নের নয়ন তুমি প্রবণের প্রবণ,

জীবনের জীবন ধন, প্রাণ-স্বয়ং !

অচিন্ত্য, অশেষ, অরূপ, অব্যয়,  
ভূভুবঃ তপঃ সৰ্বলোকমুখ,  
সৰ্বাশ্রয়, তুমা, কারণ-কারণ !

তুমি প্রণব, পাতা, জনয়িতা,  
জ্ঞানদ, জ্ঞানময়, বিশ্ব-বিধাতা,  
ঐশ্বর্যতীত, ঐশ্বর্যময়, সত্য সনাতন !

আনন্দ-চিৎসন স্বরূপ তোমার,  
শ্রেষ্ঠ পরমেশ শ্রেষ্ঠ সবার,  
অপাপ-বিক্র, শুচি-সম্পদ-শোভন !  
শাস্তি বিতর সবে, শাস্তি-নিকেতন ! ১০ !

### ঝাঁঝিট—একতালি ।

দেব দেব দয়াময়, হৃৎক বিমোচন !  
পাপহারী, তাপহারী, হে সুখ-সদন !  
তুমি সৰ্ব চক্ৰময়,  
নিখিলভয়ের ভয়,  
জ্ঞানদাতা, জ্ঞানময়, সুখময়, ধ্যাবন ।

তোমারি কুপার সবে,  
 বাচিয়া র'য়েছি ভবে,  
 তব সম হিতকারী কে আছে এমন !  
 যা' কিছু যখন চাই,  
 কিছুই অভাব নাই,  
 সকলই তোমারই কুপা, তুমিই কারণ !  
 তোমার চরণ কতু,  
 যেন ভুলি না হে প্রভু !  
 যা' করি, তোমায়ে যেন থাকে হে স্মরণ ।  
 তব পদে ভক্তি নতি,  
 দেহ সবে স্তুতি,  
 হর হর স্তুতি, হে দীন-শরণ ! ১১ ।

ভৈরবী—আড়া ।

যা' কিছু আপন বলি' ছিল হে আমার !  
 অকপটে দিহু সঁপি' চরণে তোমার ।  
 চেয়েছিহু ভালবাসা,  
 ক'রেছিহু স্বপ্ন আশা,  
 এ বিশেষ কেণিহু প্রভু ! কেহ নহে কার !

সেই প্রেম, কোথা হেথা ?  
 শুধুই মুখের কথা,  
 শুধু নিজ স্বপ্ন তৃপ্তি বাসনা সবার ।  
 একমাত্র তব পদ,  
 শুভ, সুখ-শান্তিপ্রদ,  
 তোমা হীন হ'রে, শুধু যাতনা অপার ।  
 তোমারে সঁপিছু প্রাণ,  
 রাখ', মার' বে বিধান,  
 তুমি ত মঙ্গলময়, জেমেছি এবার !  
 দেবে হৃৎক কতি নাই,  
 শুধু নাথ ! এই চাই,  
 ও চরণে মতি কেন থাকে অনিবার ! ১২ !

আলোয়া—থয়রা ।

খোলে প্রাণ,                      মামুল মরন,  
 দেখে অতুল চরণ !  
 কত সুখ করে,                      পীড়ন নিবারণে,  
 পিণ্ডের স্বপ্নের কাছের কন !



হৃদয় কমল পরে,      অমল কমল পদ—  
 স্নাথিরে যতনে,      স্রীতির নয়নে,  
                                  দেখুরে মানস-মোহন !  
 কতবা করুণা,      কত স্নেহ, প্রেম,  
                                  ফুটাইছে ও চরণ !—  
 ও প্রেম প্রকাশে,      রবি শশী হাসে,  
 কুম্ব বিকাশে,      পুলকে ভাসে  
                                  ত্রিভুবন ! ১৩ ।

### শুরট-গোল্লার—একতালা ।

কর কিবা ভর,      গাও বিভূ জর,  
                                  জয়োল্লাসে পূর্ণ কর ভূমণ্ডল ।  
 ত্বিনি সকলেরি,      সকলি তাঁহারি,  
                                  ভবের কাণ্ডারী জুড়াবার স্থল ।  
 অনন্ত বক্ষাও তাঁহারই আলর,  
 তাঁহারি আলর মোদের আলর ;  
 আশ্রিত জনের আছি কিবা ভর,  
                                  অতর চরক করিলে সফল ।

চিন্ময়-ঘন করুণা-নিধান,  
যে বিধি জীবেরে করেন বিধান,  
বরিষে সতত শুভ সুকল্যাণ,  
আবিল চিত্ত হয় সুনির্মল । ১৪ ।

### আলোয়া—একতালা ।

হৃদয়ে এস,                      হৃদয়-নাথ !  
    প্রেম-পরশ-রতন !  
ও পরশ-রসে,                      অমর প্রাণ,  
    লভুক কনক বরণ !  
আকুল ব্যাকুল,                      অধীর পরাণ,  
    রাখিতে হৃদয়ে হৃদয়ে,—  
কবে বা সে দিন,                      হবে হে আমার,  
    জুড়াবে তাপিত জীবন !  
বদিও অধম,                      অসৎ আমি হে,  
    তুমিত সুবোধ সুমন !  
র্যাখিত চিত্ত কি,                      জুড়াতে পাবে না,  
    থাকিতে অভয় চরণ ! ১৫ ।

কার্ফি-মিশ্র—একতাল।

কত ভালবাস এ দীন জমে !  
 ভাবিলে উথলে মন, বারি বহে নয়নে !  
 সুদীন অমাধ আমি,  
 তুমি ত্রিভুবন-স্বামী,  
 হেন অপরাধ জনে, এত স্নেহ কি কারণে ?  
 অযোগ্য যে জন অতি,  
 শুধু বিষয়েতে মতি,  
 তবু ভালবাসি তারে, স্থান দে'ছ ক্রীতরণে ! ১৬।

ভৈরবী—কাঁপতাল।

অনন্ত চরাচর—বিশ্ব আধার—  
 কীপিছে তব মহিমা অগার !  
 যে দিকে ফিরাই আমি আমি,  
 তব প্রেমের মুখ লেগে দিকে ছুঁবি,  
 অবাধ হইরে আমি চেয়ে থাকি,  
 করে করি, হৃদয় ভোর ।

অনিমিথে দেখি তব উষা-হাসি,  
কল কল কাকলী বাজে বাঁশী,  
কুল, শীল, লাজ, তর সকলি নাশি',  
আশ্রদান করে প্রাণ পদে তোমার ! ১৭ ।

### টৌরী-ভৈরবী—আড়া ।

হে সুন্দর ! রূপ নাকি নাহিক তোমার ?  
তুনি হে, অরূপ তুমি, নিরূপাধি নিরাকার !  
হে শোভন সুন্দর !  
মোহন মুরতিধর !  
তুমিত অরূপ, বিখে এ রূপ কাহার ?  
দেখেছি তুমি শিরে,  
রিবক-প্রখাত নীচের,  
উপলে যে চাকরুবি, সে যে রূপ, সে কি তার ?  
সাগরের সেরা সুরি,  
যার উষা চুমি চুমি,  
অনন্তে মিলিছে স্নিগ্ধ সে শৌভা-কাহার ?

দার্মিনী নীরদ কোলে,  
 পাঁদপে গ্রন্থন দোলে,  
 বিচিত্র বিহগ কুল, সে রূপ কাহার ?  
 তপনের তীব্র ভাতি,  
 শশীর বিমল কঁাতি,  
 ঈবার মুকুট জ্যোতিঃ, কার কপে উজ্জয়ার ?  
 দয়ালের দয়া ধর্ম,  
 প্রণয়ীর হৃদি মর্ম,  
 জানীর জ্ঞানের প্রভা, প্রভায় কাহার ?  
 ছুমি হে অরূপ যত,  
 চিনেছি, লুকাবে কত ?  
 অরূপ,—তাই কি কপে ছেঁয়েছ সংসার ? ৩৮

মিথ্য—একতাল। ।

আর কি ভয়ের ভয় রেখেছি !  
 সে যে ভয়ের ভয়,      জীবের অস্তর,  
 জেনে বুক বস বেঁধেছি !  
 পঁদার করে,      স্বরূপ আধার,  
 ঘেরেছিল, কাটিয়ে নিছি,—

সই সঙ্ক-তমেঃ,                      অন্ধপুরে,  
 বন্ধ ক'রে রেখে দি'ছি ।  
 আপনাব হ'তে,                      আপন যে জন,  
 সন্ধান পেয়ে, তার ধ'রেছি ।  
 তারে আপন জেনে,                      আপন ব'লে  
 চরণ তলে প্রাণ সঁপেছি ।  
 সধার বচন,                      কিসের শমন ?  
 তারি ভুরি বুঝে নি'ছি ;  
 বকেরা তশীল,                      উজুল দিগে,  
 অধিকার তার লোপ ক'রেছি । ১৯ ।

### টোরা-ভৈরবী—যং ।

আর আমার ভাবনা কিসের, যার ভাবনা—  
 তারে দিছি ।  
 "হাতের কাজ সারা ক'রে, নির্ভাবনা ব'সে আছি ।  
 ব'য়ে থাকু তা হবার,                       
 কিসের ভয়ে গোঁধার,                       
 মিছে ব্যাপার ল'য়ে কেন, মিছে কণাধারি বাঁচি ।

গিয়েছিহু খুঁজতে দূরে,  
 চোরে দেখি আপন পুরে,  
 ভূতের ব্যাগার খাটলাম শুধু, থেকে এত কাছাকাছি ।  
 ফেরে সাথে ছামার মত,  
 করে স্নেহ বন্ধ কত,  
 আদর মাখা প্রাণ খানি তার, ভাব দেখে ভুলে গিছি ।২০



# শিখরিণী ।



## তৃতীয় স্তর ।

\*\*\*

উজ্জল-রস—বিপ্রলম্ব ও সম্মিলন ।



## শ্রী গুরুদেবঃ ।

### মনোহরসাহী ।

জয়শ্রী রাস-বল্লভ রসিক-শেখর !  
জনমে জনমে সখা তোমারি কিঙ্কর ।  
ধন্য কুপা, ধন্য প্রভু চরণ প্রভাব,  
বিজাতী' পাইল কণে স্বজাতি-স্বভাব !  
পঙ্কুলজ্বরে গিরি, মুক শান্তি আলাপর,—  
তোমারি কুপায় শুনি; না ছিল প্রত্যর ।  
এবে সে অধমে দিয়া বুঝিছে প্রমাণ,  
সকলি সম্ভবে; তব কুপা বলধান ।  
ভুক্তি, মুক্তি, সিদ্ধি বাঞ্ছা' সব কৈলে চুর,  
এমতি তোমার প্রভু : করুণা প্রচুর ।



বুঝাইলো গোরারস—রাধাশ্রেয় তব,  
 অকামি-রমণ সহ বিলাস মহত্ব ।  
 মহাভাবিনীর ভাব সুধা-সিন্ধু সীমা,  
 পিরাইলে হীন জনে, কি কব মহিমা !  
 তব পাদপদ্ম রেণু সেবা সাধন,  
 চরণে মধুপ করি রাখ অনুক্ষণ ! ২ ।

পূর্বরাগ ।

শ্রীগৌরচন্দ্র ।

রতিৰ্ষা সঙ্গমাং পূৰ্ব্বং দৰ্শন শ্রবণাদিজা ।  
 তয়োরুন্মীলতি প্রাচৈঃ পূৰ্ব্বরাগঃ স উচ্যতে

কি অপক্লপ রূপ, হেরিছ সুরধুনী কূলে !  
 নয়ন ফিরাতে নারি বিকাইছ বিনা মূলে ।  
 কি দিগ্বে গ'ড়েছে বিধি গৌর সুনন্দরে !—  
 অতুল, অনূপ রূপ, মুনি-জন-মন ভূলে ! ৬ ।  
 কবিত কনক কীতি,  
 শত শলধর ভীতি,  
 উজ্জলিত মুখ জ্যোতিঃ, সুধা উছলে !

কথা কয় হাসি হাসি,  
 যেন মোহনীয়া ঝাঁপী,  
 পাগল করিল সব, মধুর বোলে !  
 টাচর চিকুরে চুড়া,  
 মল্লিকা মালিকা বেড়া,  
 মালতীর মালা গলে মূহল দোলে !  
 চন্দনে চর্চিত কার,  
 হীরকে খচিত ভায়—  
 কনক মন্দির, ভূষি' বিবিধ ফুলে ।  
 বিনোদ ছন্দে গতি,  
 মস্তুর মধুর অতি,  
 চরণে নুপুর রাজে, মূহ কাকলে !  
 যে দেখে লুঠয়ে পায়,  
 যেথা যায় সাথে যায়,  
 কুল, নীল, লাজ, মান ভাসায় অকুলে ।  
 'ও চরণ হৃদে ধরি,  
 ইহ পরকাল হরি,  
 এই সাধ, এ সাধ কি যাবে বিকলে !  
 সখার কি লইবে না আপন ব'লে ? ২ ।

অকণ নম্রন,                      যলিন বম্রন,  
বহুত দীঘল শ্বাস ।

অগ্নি ভীত চিত,  
চমকে সতত,  
বুঝি কিসের ত্রাস !

সুবধুনী কূলে,                      বকুলের মূলে,  
কি জানি দেখেছে কারে ।

থিব নহে মন,                      সদা উচাটন,  
দেখিবারে ধাম তারে !

কখন বিবিধ,                      কুসুম ভূষণে,  
সাজয়ে আপন কার।

কল্প বা ধূজী,—                      দ্বন্দ্ব অঙ্গ,  
বিবশা বালিকা প্রায় !

আন ছাড়া করি, বলে, হরি ! হরি !  
 কি বুকে বিষম ব্যথা !

নিব্বাণের নয়নে,                      রহে আনমনে,  
 না পায় শুনিতে কথা !

গোবর্চান মোর,                      শুণের সাগর,  
নাগরীর ভাবে ভোর !

ଏ ରମ ଗରିଷା,  
ଜଳୀୟା ମା ପାଣ୍ଡବ ଦ୍ରୁତ । ୩ ।

কি নাম বলিলি বল্ জুড়াল প্রবণ !

( গুনি ) আবেশে অবশ তম্বু ঝঞ্জে হু'নয়ন ।

যেন কত সুখা ঢেলে,

পূতঃ প্রেম মস্ত্র বলে,

স্বর্গের সুবমা দিবে, ক'রেছে গঠন !

শ্রাম শ্রাম শ্রাম নাম,

আনন্দ অমৃত ধাম,

বত বলি, তত সুখে ভ'রে উঠে মন ।

বল্ বল্ গুনি পুনঃ,

নামে কিবা আছে গুণ,

খুলে দেয় প্রাণ মাঝে সুখা প্রস্রবণ !

উজ্জলিরা কোন্ ধাম,

আছিল রে হেন নাম,

সুখস্পর্শ, প্রাণারাম, অমূল রতন !

বার—নামে এত সুখা করে,

পলকে ত্রিতাপ হরে,

না জানি স্বপ্ননি ! হার সে জন কেমন ! ৪

এ সখি ! এক বাত কহি ভোর !  
 কালীন্দ্র-দর্শন যেই, চূড়ে পাখ দেই,  
 বেরি বেরি কাহে পেখত মোর ?  
 বংশী কুকারত, মিঠি মিঠি হাসত,  
 জাগত রিক মাঝ অবহি ।  
 চলিতে চরণ, খলতই পূমঃ পুনঃ  
 ঝাট আয়লু চলি তবহি ।  
 সো রূপ লাবনী, চূড়াক টাননী,  
 হেরি হেরি মন ভোর;  
 অতনু শর কিরে, হানল মঝু হিরে,  
 লখিতে লু খনু ঘোর !  
 বারিদ বরণ তনু, মেহে বিজরী জনু,  
 পিকুন গীত বসন ।  
 খঞ্জন-গঞ্জন, চকল লোচন,  
 বাউরী করল মঝু মন !  
 কধু-গীম তলৈ, বন-ভান মোলে,  
 নামার শোকে গজমতি !  
 প্রবাল কড়ি মঝ, অধর পুরলি ম,  
 বাহু মৃণাল, গজ-পতি !

নিমি চম্পক কলী, সবহুঁ করাজুলি,  
 পেলব, পরশ-মেহুর !  
 হাসি' হাসি' চাহত, জগত জুড়ায়ত,  
 হোয়ত কুল, শীল চুর !  
 শুছু কিরে নাম ধাম, নাহি জানত হাম,  
 এ সখি ! কহবি জামায় !  
 সখা কহত হাসি', জানি কাহে গোপসি,  
 মোই—বশোদা-তলাল শ্রাম রায় ! ৫ ।

এ সখি ! করহ উপায় ।  
 কৈছনে দরশন, পাওরব হাম পুনঃ)  
 নিমিখ যুগ জহু ভায় ।  
 সখী কহত ধনি ! কাহে, ভই যুগধিনী.  
 'দেখলি লম্পট যোই ।  
 অথচ বাধত চিত্ত, লভহ সখিত,  
 • কিরে কহ কুলনারী ভই !  
 \* রাই কহত ফেরি, তন তন সহজরি !  
 ধরম, করম, কুল, শীল,—

দিখু জলাঞ্জলী, দেহ বনমালী,  
নাহি সহ্যে ধৈর্য তিল ।

অব কহি মরমর্ক বাত ।

ইহ তনু মন, কৈলু সমর্পণ,  
পহিলহি দরশন সাধ !

বব মুখে মিলারবি, প্রাণদান দেয়বি,  
নতু তিন উপায় বিধান ।

আনহু আগ জালি, ইহ তনু ঢালি',  
অবহু জুড়ায়ব প্রাণ !

সখা কহত বালা ! কথি লাগি উতলা,  
অবহু মিলায়ব কান ।

বৈছে তুরা মন, তৈছে অনুক্ষণ,  
হোয়ত কাহুক পরাণ ! ৬ ।

সমুঝনি তুরা মন,  
পীড়িতির খনি, রমণীর মনি,  
কৈলু সমর্পণ ।

জানি তু মন, পুরুষ রতন,  
এ ধনী মণি চিত ।

হঠ না করবি,                      ছুঃখ না দেয়বি,  
বুঝি পীরিতি রীত ।\*

বতন করবি,                      কটু না ভাববি,  
আরতি করবি অতি ।

বড় সোহাগিনী,                      অলপে মানিনী—  
কোমলা বালিকা মতি ।

প্রাণের অধিক,                      মো সবার পির,  
সার সরবস ধন !

দোষ ঢাকবি,                      গুণ দেখবি,  
ভাবিয়া আপন জন ।

মৃগধা বালিকা,                      কুসুম কলিকা,  
ভাল মন্দ নাহি সুখে,

• বোলবি, শুনবি,                      বাত মানবি,  
করবি মরম বুঝে !

দেহ গেহ সব,                      তুহঁ সে মাধব,  
• হৃদয়-রাজ তুহঁ !

পির পিয়া মেলি,                      নিতি হালি খেলি,  
• পীরিতি দেয়বু হুহঁ । ৭ । \*



ଅଭିସାର ।

ବରଜ-ନୀରବ,                      ଶୁଭଳ ସବ  
ଆନ୍ଧାର ଅତି ରାତିରା ।

ଆଳୀକ ମଞ୍ଜେ,                      ଶ୍ରୀମ ଶ୍ରୀମଞ୍ଜେ,  
ବାହି ବ୍ରହ୍ମ ଯାତିରା ।

ସବୁନା ପୁଲିନେ,                      କେଳୀ-ବିପିନେ,  
ମହମା କୁରୁରେ ବାନ୍ଧରୀ ।

ଶୁନି ଚକ୍ରକି,                      ଓଠସି ବନକି,  
ନିକସି ଗେହ ନାଗରୀ ।—

କୁଞ୍ଜର ଗତି,                      ଚଳନ ମତୀ,  
ବିଦଗଧ-ରାଜ-ଯୋହିନୀ ।

ଧନୀକ ମଞ୍ଜେ,                      ମାଞ୍ଜଳ ରଞ୍ଜେ,  
ସତହଁ ରମ ଭାସିନୀ ।

ନୀଳିମ୍ବ ବସନ,                      ରତନ ଭୂଷଣ,  
ପାହିରାହି ଶ୍ରୀ-ରାମିକା ।

ଶୈବକ ତଳେ,                      ସୁହୃଦ୍ ମୋଳେ,  
ଅବତ୍ତି କୁନ୍ତଳ ରାମିକା ।

ବେଣୀ ମୋଳତ,                      ଓଠକି ଚଳତ,  
ସର୍ବେ ବର ରାମିକା ।

আকুল হৃদি, চঞ্চল মতি,  
হেরয়িতে প্রাণ বঁধুয়া ।”

ঐতর্য্য যবে, যমুনা তীরে;  
কুঞ্জ-ভবন য়িহি ।

রাস-রসিক, চতুৰ নারক,  
বেণু ফুরত তঁহি ।

রাজ কুণ্ডারী, বরজ হুনারী,  
হেরি দূরহি নাথ ।

খনকি চলত, নুপুর বাজত,  
হরষে পুলক গাত । ৮ ।

### মিলন ।

মঞ্জীর কলে, কণু কুণু বোলে,  
চকিতে চমকি উঠি—

আঙুলরি হরি, হেরয়ি প্যারী,  
চাহত এক নিঠি !

কর লেই করে, আরতি ভরে,  
বৈঠাওল পাশে ।

পছক বাত, বেরি পুছত,  
মধুর ককণ ভাষে । ৯

শীত-বসন,                      পিঁধন বসনে,

ছন্নম ঘন্নম বারে ।

পেখি মুখ,                      উথলে বুক,

ভীগল আঁখি লোরে !

‘চিত-শোহিনি !      মনোমোহিনি !’

কহত বনোয়ারী ।

‘তুঁহি ধেরান,                      তুঁহি জেরান,

জীবা তু হামারি ।

আঁখ আঁধার,                      জীবন তার,

বিহন তুয়া সঙ্গ ।’

সখা কহ রহ,                      পিয় পিয়া সহ,

মিলই অঙ্গে অঙ্গ । ২ ।

দান ।

সুরট-মোল্লার—একতালী ।

গগন ছাইল নিবিড় ঘনে,

ভীম পবন বহিছে সঘনে,

কুলবতী মোরা কূলে দাড়াইরে ।

“কাদিব কতক আর !

নিবিয়া আসিছে তপন ভাতি,  
আঁধার করিয়া আসিছে রাতি,  
আকুল অধীর হৃদয় অতি,  
কেমনে হইব পার ?

গোকুল-বাসিনী মোরা আহিরিনী,  
দধি দুধ ল'য়ে করি বিকিকিনি,  
বার হ'য়েছিলু কি কণে না জানি,  
এ ফল ফলিল তার !

তরী খানি ল'য়ে এস হে নিকটে,  
রাখ কথা, আজ তার হে শব্দটে,  
যে দান চাহিবে দিব অকপটে,  
ক'রো না সংশয় তার ।

ঐ দেখ পুনঃ গরজে ঘন,  
দামিনী মলকে পুলকে যেন,  
তরালে হিরা কাপে ঘন ঘন,  
ডাকিব কাহারে আর !

অচেনা এ পথ নাহিক আশ্রয়,  
যেহাং কিলাব জীবন সংশয়,

বাইলা কোথায়, ডাকি বা কাহার,  
শরণ লইব কাব !

বুলে এম্বু কুলে সকল ঠাই,  
এই থানি বই আর তরী নাই,  
লহ হে দুরিতে সঁপিছু সবাই,  
ও গমে জীবন ভার ! ১

হাসি হাসি শ্রাম কহেন সুন্দরি !  
আসিছে তুফান রুদ্র রূপ ধরি,  
জীর্ণ তরী লয়ে কেমনে হে তরি,  
কেন ডাক বার বার !

একে শুক তার আভরণ ভরে,  
হৃদ মধি তার আছে তার পরে,  
এত তার বল কে বহিতে পারে,  
এত বা সাহস কার ?

ভাঙ্গি আভরণ ফেল' মথিতালী,  
সহস্র সরলে এস সবে বালা !

ব'স হে নির্ভরে, হ'ওনা উত্তলা,  
এখনি ক'রে দি'পার ।

তুনি, 'তরী' পরে, গোপকা মণ্ডলী,  
আসিয়ে বসিল আনন্দে উথলি',  
একে একে সব আভরণ খুলি,  
দিল ফেলি অলে সকল সজ্জার ।

বলে, শুন শুন নবীন কাণ্ডারি !  
পালিহু সকল আদেশ তোমারি,  
বিকে নাই যেই কীর, সর, ননী—  
খাও দেখি আঁধি জুড়াক সবার ! ১১ ।

### অভিসারিকা ।

যা পর্য্যুৎসুক চিত্তাতি মদেন মদনে নচ ।  
আত্মনাতিমরেৎ কাস্তং সা ভবেৎ অভিসারিকা ॥

### মনোহরসাহী ।

নিভৃত নিকেতনে, মলিনীগণ মনে,

কহিত বারত আনি সৌর ।



শ্রাব-মোহাগিনী, নব অমৃতগিনী,

শ্রাম-নাম-রসে ভোর !

সবহঁ সহচর, যেমি শশধর,

গগনমে উদল আসি ;

কুটল কুল-কুল, চঞ্চরী চঞ্চল,

ঘুঁঘট খুলল কুমু হাসি' কঁক

সক্কেত বনমে, বাজত পঞ্চমে,

রাধা নাম লেই বাণী ।

শ্রবণহি পৈঠল, ধৈর্য ভাগল,

সব চিত ভেল উদাসী ।

রাইক সবতনে, সাজাওল সখীগণে,

চলল ভেটিতে বর-কান ।

বারী গাগরী লোই, কুহুমদাম কোই,

লওয়ল কোই পানদান ।

অগুরু চন্দ্রা ঘুরি', লওয়ল কটোরা পুরি',

স্বভোজ্য লওল থারি তরি ।

পিধনে স্ননীল বাস, সখী কংঠ বাহু-পাশ,

মরাল-গমনা বন-গোৱী ।

পুষ্প-বৃক্ক যত, দুখরি' ডাক্তত,

পহু ওড়ত কুল মলে ।

শ্রীমতী তঁহি পরি, চলত ধীরি ...  
 মঞ্জীর গঞ্জে কল কলে ।  
 অবসই কুঞ্জ গেহ, উত্তরল মণীসহ,  
 চঞ্চল চরণে সখে ধারি ।  
 কাঁহা মুরলীধর, রসিয়া নাগরবর,  
 কুঞ্জ ভবনে কোই নাই !  
 ইতি উতি চার, চারি দিলি ধার,  
 মধীগণ চুড়ে বুলি বুলি ।  
 ব্যাকুল অন্তরে, বৈঠল কিশোরী,  
 রোরত হাহা কথা ! বলি । ১২ ।

### বাসকসজ্জা ।

ভবেদ্বাসকসজ্জাসৌ সজ্জিতাঙ্গ রতালয়া ।  
 নিশ্চিত্যাগমনং ভর্তৃহারায়েকপ-পরায়ণা ।  
 রাইক অধীর দেখি, কহন্ত প্রিয় মণী,  
 ব্যাকুল হ'ওলি ধনি কাঁহে ?  
 অবশি সোঁ আঁতরব, অব কাঁহা বাঁওরব,  
 অবহি দেখবি বর-নাহে ।  
 ধবে ধসি পাবে কহ, কৈছন কুঞ্জ গেহ,  
 সাজাব করুনি মোহন ।



রাই কহে যেমতি,      নাহক অভিমতি,  
ঐছন করহ শোভন !

আনিহ মাণিকা গাঁথি, আন ফুল নানা জাতি,  
ঐকরষ, কুবলয়, ঝাঁটি ।

নব কিশলয় লঞা,      তাহে ফুল দল দিয়া,  
রচহ শেষ পরিপাটী

মৃগমদ চন্দন,      কেশর কুম্ভুম  
ভোজ্য, ভাঙ্গুল ধরে ধরে—

সবহ সস্তার,      সাজাহ চারিধাব,  
গন্ধদীপ জালহ সত্তরে ।

শিলাক মনোমত,      জ্বা আহরে যত,  
রাথ আনি করি সুবিধান ।

রাথ ভরি কুস্ত কারি,      আদেশহ শুকশারী,  
গাহক শ্রাম শুণ গান ।

ও কি শক দৌরি সব !      কোথাও কারে না লখি,  
অবহ বিলম্ব কি কারণ !

নিধর নীরব সব !      ও বুঝি পাখীর রব ?  
কোথা সখা হৃদয়-রতন ! ১৩ ।

উৎকৃষ্টিতা ।

स। श्राद्धं कर्हिता यस्या वासं नैति द्रुतं प्रियः ।

तस्यानागमने हेतुः चिन्त्यतयाः शुचा दृशः ॥

কত আশা ক'রে,                      ব্যাকুল অন্তরে,  
আইশু কাননে ধাই ।

কে জানিত পিয়া,                      আশারে বঞ্চିয়া,  
 রহব আন ঠাই !

কুণ্ড সাজানু,                      শেষ বিছানু,  
গাঁথিহু কুণ্ডক হার ।

সুৰভি ভাগল,                      তাহুল শুকাল,  
হুখে হ'ওল মার।

ভেবে ছিন্ন মনে,                      মিনি নথ্য মনে,  
কহব মনের কথা ।

ଏତ ନାଥ ଆମା,                      ଶ୍ରୀକୃଷ୍ଣ ଲିଙ୍ଗା,  
 'ମହାଲି ହ' ଏମ ବୃଥା !'

কি ক'র পর্যায়ে,                      পরামর্শ বিদ্যায়  
নিম্নতম ভেদ যবে; ।

পশিব বসুনা, জ্ঞানের বেদনা,  
সবই খুঁটব তুমি । ২৪ ।

## বিপ্রলক্ষা ।

যশ্চা দূতীং স্বয়ং প্রেযা সময়েনাগতঃ প্রিয়ঃ ।

শোচন্তী তং বিনা দুঃখা বিপ্রলক্ষা চ সা স্মৃতা ॥

শশী অস্তে যায়,

জাঁধার লুকার,

অবহি উদিবে তানু ।

বিফলে রজনী,

যাপিনু স্বপ্ননি!

কোথায় রহল কানু !

কে জানিত পিয়া,

কুলিশ-হিয়া,

উপরে নাগর-রাজ ।

শঠের কথায়,

কেন বা আমার,

আনিলি বিপিন মাঝ ।

চুঁড়ি চুঁড়ি সবে,

অবহি ফিরিবে

বিফল বেদনা বহি' ।

কি মোর কাঙ্ক্ষার,

করম আমার,

অকারণ দুঃখ সহি ।

সস্তার সর্কলে,

সেগো কেলি জলে,

কি কাজ রাখিয়ে আর !

গিন্নাছে সকলি,

সখি, আলা চখি,

যাকি জীবন-ভার । ১৫ ।

মান ।

খণ্ডিতা ।

জনিত্বাপ্রণয়ঃ স্নেহাৎ কুত্রচিৎমানতাং ভ্রজেৎ ।

স্নেহান্মানঃ কচিদুদ্বা প্রণয়স্ব মথাস্মুতে ॥

\* \* \* \*

অনুয়া সহ কান্তস্য দৃষ্টি সন্তোষ লক্ষণে ।

ঈর্ষ্যা কষায়িতাত্মাসৌ খণ্ডিতা খলু কথ্যতে ॥

শ্রীগৌরচন্দ্র ।

অকণিত লোচন,

শাস বহুত ঘন,

বিবাদে মরি মুখ থানি ।

কহে গোরা হার হারি এ হৃৎকহর কান্ধ,

কাহে বিহি বীর নাহি জানি !

তুলি কুল, মালা পাখি, জাগি গোহারু রাতি,

বিকল হওন সব আশ ।

মনের বাসনা কত,

সকল হওন হত,

মোর হৃৎকহর মোকে পরিহাস !

ভাল করল কান্না, .অলপে যিটল জ্ঞানা,

এবে কহ মরমক বাত ।—

রিয়া কাটির, তবু নাহি মিলব কত

নিপট কপট শঠ সাথ ।

নিবেধ করবি তারে, পশিতে নিকুঞ্জ দ্বারে,

ঐ আসে নিলাজ কানাই ।

ধুই লম্পট সনে, কিবা কাজ আলাপনে,

কহ যার চলি আন ঠাই ! ১৬ ।

তবু ভাল যেনে, দেখিছ বিহানে,

পথ ভুলে হেথা নাকি ?

কহ কিবা আসে, কিসের লাগসে,

এ পথে তোমার দেখি ?

হাদে হে লম্পট ! রসিকতু বট,

( হেরে ) সরমে মরিষে বাই !

আসিবে প্রভাতে, ও মুখ দেখাতে,

লাজ কি তোয়ার নাই !

সে জন রসিকা, তব প্রাণাধিকা,

বুকেছি তোমারে হেরে ।

তা, ব'লে কি তার, অচুরাগ-ভার,  
শিরে বহি' কেহ ফেরে !

মরি কি শোভন, ও বেশ ভূষণ !  
ও কি দেখি হিন্মা মাঝে !

অতনুর রণে, বিজয় কেতনে,  
বুঝি সে অ'কিয়া দেছে !

কারো পরিহাস, কাহারো বিনাশ,  
তোমার ক্ষতি বা কি ?

বা' হবার হ'য়েছে, সকলি স'হেছে,  
আর কি রে'খেছ বাকি ?

রাজার ঝিন্নারী, কুলের বহরী,  
আনিবে বিপিন মাঝে ।

ভাল সে ব্যভার, দেখালে তোমার,  
তোমারই এ নীতি সাজে !

বৃথা কেন হেথা, যাওঁ ছিলে যেন,  
না দেখি লম্পট-মুখ ।

কুলের দার, নিষেধ তোমার,  
যাওঁ যেন, তার মুখ ! ১৭ ।

কহ কহ এ সখি !

কাহে ভেলি বিষখী,

কক্কণ-নয়ন মেলি চাহ !

তুহঁ সব দয়াবতী,

পদ্ম উদার-মতি,

নিখিল জগজন মাহ ।

আলিসে গোঁরাহু রাত্তি,

জাগরি কাটল ছাত্তি,

নাহি বুঝি বিহি পরবন্ধ !

তরাসে আইহু খাই,

তবহঁ সোরাধ নাই,

বুঝহু ভাগ অতি মন্দ ।

নিরুপরাধ জনে,

ক্ষম সবে দয়াওণে,

কর যাহে সুবিচার হোর ।

বেরি এক হামে ধনি !

দেখাও সো মানিনী,

জিউ দান দেহ সবে মোর ! ১৮ ।

কাহে কহ সুবোধিনী রাধে !

চরকত লোচন-গোর তুঁহ, পাওলি কোন্ অপরাধে !

শারদ-চাঁদ-মুখ-মণ্ডল,

কাহে বিবাহ মেহে রাগল,

খোর বচন-লাগি কাহে এতক বাধে !

ভাল জানত মোর,  
 দাস তুহারি হোর,  
 শরণাগত নিঠুরাই, কহ কোন মাথে ! ১০

তু বড় চেটে মাধব ! মিছ কহসি কাহে ?  
 কাহে আওয়লি, তাঁহা বাহ চলি,  
 তুরা মন বাঁধা বাহে ।

যো নব নাগরী, রসের আগরী,  
 বিহি সে মিলাজ তোহে ।

তু অহুরাগ, লাগরি বরানে,  
 দেখায়লি ভাল মোহে ।

স্বজন যে জন, অলপে চিত্ত,  
 বুঝু মো সব রীত ।

কপট ব্যাধের, বুঝু আচার,  
 ভাল সে বুঝল চিত্ত ।

ভাল করলি, বুঝু তোহলি,

• যুচল তুহারি হুমে ।

সুন্দরী লজা, সুন্দরী হুমে,

তুরা জানে মোর হুমে ।



অধিক বচন,                      কহসি কাহে,  
 কোন্ সমুঝাবি মোহে ?  
 বচন ছোড়লি,                      তুহুঁ বাহ চলি,  
 হুঃখ পাওবি কাহে ! ২০ ।

শুন শুন হে বর-সামা !  
 বহুত মিনতি করু,                      তুয়া চরণ ধরু,  
 জবহি রহলি কাহে বামা ?  
 এতহুঁ কঠিন চিত,                      নহ তুয়া সমুচিত,  
 ক্রম মোহে, দেহ মান দান ।  
 অঙ্গুগত দাস তাজি',                      রহবি মান তজি',  
 ইহ কোন্ ধরম বিধান !  
 কাহে হুঃখ দেয়সি,                      রিয়ে বাজ হানসি,  
 কাহে করু ইহ নিঠুরাই !  
 চরণ-নখরু গাশে,                      তিল ঠাম দেহ দাসে,  
 তুয়া ছোড়ি' কাহা হাম যাই !  
 তাজবি তুহুঁ যব,                      অব দেহ ছোড়ব,  
 চলু হাম কুণ্ডক ঠাম ।  
 রাহি বিরুখী কুন,                      অসুচিত জীবন,  
 পুখী কই রাহ নিজ ধাম । ২১ ।

ছিছি মানিনি ! যুগধিনি !      এতহঁ অবোধিনী,  
বুঝিলা আপন হিত !

পরম হৃদয়ধনে,      ঠেলনি ও চরণে,  
এমতি কঠিন তুয়া চিত ।

শ্রাম সুরস-ধনি,      শ্রাম নয়ন মণি,  
শ্রাম তুয়া সরবস-ধন ।

সো শ্রামে ত্যজয়ি ধনি !      ইহ দিন যামিনী,  
কেহনে গোয়াবি জীবন ?

রসিরা নাগর-বর,      লুঠল চরণ' পর,  
চাহ নাহে মোদের শপথি ।

পরাণ বঁধুয়া বলি',      লেহ হিয়া' পর তুলি',  
দ্বারে সখা প্রেমক-অতিথি । ২২ ।

শ্রাম—রোরড চলত, আঁধ মুহূর্ত, হেরত কিরি কিরি ।

তাবে—হেন নিঠুরাই, করব কি রাই, অবশ ডাকব ফেরি ।

তবু—কুহকী অঙ্গা, প্রেম পিরাঙ্গা, মিছ আশোয়াস দেল ।

রিষ কাটত, নয়ন মায়ত, অরহঁ দয়া না ভেল ।

কাঁদি—কহত কুহকি, শুক শুক শরী, সবহঁ কুহবাসি !

চিরদিন মালি, এ মালি মালি, সেহ বিদায় হাসি ।

রাই—যবহুঁ ভাজল, নাহি ভাষল, ভেল দাকুণ বাম ।

এ ছারু পরাণ, অবহুঁ তেজব জপয়ি শ্রীরাধানাম !

মোর—মানিনী ধনী, রহল কুণ্ডে, উপেঁর্ষি হামায় ।

দেখবি সবে, প্রাণাধিকা যাহে, নাহি দুঃখ পায় !

বিরহ তাপে যব,                      সুখ-সর শুকায়ব,

কি করব সর-সোহাগিনী !

সোই ভাবি অন্তর,                      হোয়ত জর জর,

কৈছে জীবব কমলিনী ! ২৩ ।

### কলহান্তরিতা ।

নিরন্তোমন্যুনা কান্তো নমন্নপি যয়া পুরুঃ ।

মানুতাপ-যুতা দীনা কলহান্তরিতা ভবেৎ ॥

### শ্রীগৌরচন্দ্রে ।

অবনত মাথে বলি গোরা দ্বিজমণি !

অবোরে বরত অবি, জহু নিখরিনী !

বিবাদে বিহ্বল চিত্ত আকুল শরীণে !

বলে, কেন গালটি না হেরনু কান !

‘কেন রা হওল মোর সে হেন দুঃখিণী ?  
 মিছা মান লাগি হারায়নু প্রাণপতি !  
 এবে ইহু কিবা কর, নিকষে জীবন ।  
 এক বেরি আনি দেখা মোর শ্রামধন ! ২৪

এখন কি করি মা !—বল গো আমার !  
 বড় জালা প্রাণে, যার—প্রাণ যার !  
 মিছে মানের লাগি কেন,  
 বল্ কোন প্রাণে হেন,  
 প্রাণাধিক শ্রামধনে দিলাম বিদায় ।  
 সেই কাদা বদন তার,  
 হৃদে জাগে অনিবার,  
 চ’লে গেল, তবু আমি ফিরিলাম না তার !  
 তোরা ত মা কাছে ছিলা  
 ‘কেন আমার বুঝাইলি,  
 হি হি ! অনবদরে কত দুঃখ বিদ্যাহি ভাইয় ।  
 মাঝিল চরণে ব’হর,  
 দুঃখল ব’হরী প্রাণে,  
 চাহি নাই করিন হিমায় ।

## শিখরিনী ।

কোথা গেল গুণধাম,  
একবার দেখা শ্রাম,  
মরি প্রাণে, অদর্শনে, বাঁচা গো আমার ! ২৫ ।

শ্রাম কই !—আমার শ্রাম কই ! প্রাণ সই !  
সহেনা সহেনা, বাঁচিলা, বাঁচিলা, শ্রাম বই ।

বুকে রেখে বারে সোরাধ না পাই,  
সদা মনে হয় হারাই হারাই,  
অঁথি আড় হ'তে কভু দিই নাই,—  
পলক ফেলিতে পাছে হারা হই !

তত ভালবাসা, আদর আরতি,  
শ্রাম বিনে কেবা জানে প্রেম-রীতি,  
মিছে মানে হারা হু গুণনিধি,  
ছি ছি ! করমের কথা কারে বল কই !

ওগো ! শ্রাম বিনে সব দেখিলাম মথুরার,  
সকলি আমার জগৎ সংসার,  
সে যে মোর প্রাণ—জীবন-আমার,  
ওগো প্রাণ হারা হ'লে কিসে বেহে রই ! ২৬ ।

রাইক দশা হেরি, প্রবোধয়ি বেরি বেরি,  
তুরিতে চলল দূতী ।

আকুল অঙ্গরে, বন বনান্তরে,  
টুঁড়ল সব আতি পাতি ।

দেখল গিরি সানু, তাঁহা নাহি কানু,  
ধাওল কুণ্ডক ঠাম ।

চারি পাখ বেড়ি, পেখল ফেরি ফেরি,  
তবহি না মিলিল শ্রাম !

নিকুঞ্জ নিধুবন, কেলী-নিকেতন,  
সবহুঁ খুঁজল যাই ।

দেখল বংশীবট, শ্রাম কুণ্ডতট,  
শ্রামনাগর কাঁহো নাই !

দূতী ভীত চিত, প্রমাদ গণত,  
“কিয়ে করল নিষ্ঠুরাই !

এতহুঁ উপেক্ষা, সহই না পারই,  
“দেহ ছোড়ল অবগাই ?”

পুনহুঁ ভাবত, “মো মহা অরোধ,  
চতুর রসিক স্বর কান,—

অবশই কোই ঠাম, “রাপি-রহব শ্রাম,  
কথিলাগি ছোড়ব প্রাণ !”



শিছু না বোলাও,                      দেও কাজে যাও,

কৈছনে ঠারব হাম ।’

নাগর বোলত পুনঃ, “এ সখি ! শুন শুন,

কাহ্নে কর্ত নিঠুরাই !

রাই তেয়াগল,                      তুহଁ সব তেয়াগলি,

হাম যাওব কোন ঠাই !”

গদ্‌ গদ্‌ করে,  
সহচরী অন্তরে,—

ভীষণ করুণ লেহে ।

କହତହି “ଆଉ ମାଥ,            କହବ ତୁମ୍ଭା ବାତ,

করব তব হিত বাহে ।

ছোড় লাল্পট রীত,                      শোধ শঠ চিত,

তুমি লাগি কহিব হাম । ৩৭

**मन्त्री वाणी,**

হরষে চলত বর শ্রামি । ২৮ ।

## মিলন ।

শ্রীম শূনাগরে,                      মিলারল আনি,

ब्रह्म नागव्रीह्यं हि ।



চাহে ছুঁহে ছুঁহে,                      হাসে লহ লহ,  
                     বাত না বোলত কোহি ।  
 সব সঁহচরী,                      দেই করতারী,  
                     হাসত মুহ মন্দ ।  
 হরষ বরষা,                      বরষে হরষে,  
                     হেরয়ি শ্রাম চন্দ !  
 শুক শারিকা,                      বোলত মধুর,  
                     ফুটল ফুল কুলে ।  
 মধুপ শুভে,                      পুজে পুজে,  
                     ইতি উতি ধার বুলে ।  
 কোকিলা গায়ত,                      ময়ূরী নাচত,  
                     ঝঙ্কার করত পাণিরা ।  
 পুলক পূরত,                      সবহুঁ গায়,  
                     উথলল সব ছাতিয়া ! ২৯ ।

প্রেম-বৈচিত্র্য ।

প্রিয়স্য সন্নির্কার্ষহপি প্রেমোৎকর্ষ স্বভাবতঃ ।  
যা বিশ্লেষধিয়ার্তিস্তৎ প্রেমবৈচিত্র্য মুচ্যতে ॥

রসিক সৃজন ছুঁ,      ছুঁহে ছুঁছ, মুহুঃ মুহুঃ,  
নেহারত বিভোর হিয়ার ।

রসাবেশে হেরি হেরি,      বাহ পাশে হরি,  
বাধল বিনোদিনী কায় ।

হরি ! হরি ! কিরে ভেল অপরূপ শোভা !  
নব নীরদ তনু,      বিজরী বেড়ল জল,  
পিরাসী চাতকী মনোলোভা !

বহু কণ ছুঁ জন,      রহল অচেতন,  
রস-মদির মুহুঃ পানে ।

চকিতে চমকি ধনী,      ঘোর পরমান গণি,  
রোই কহে আকুল পরাণে !—

এ সখি !—এ সখি ! কাঁহো না বধুরা লখি,  
কাঁহা গেলা কানু গুণধাম ?

কোন দোষে দোষী হাম, বিহি ভেল মোরে বাম,  
হিয়া হ'তে কাঁচি নিল গ্রাম !

কিয়ে করুকাঁহা যাও, কৈছনে কানু পাও,

‘ পিন্না লাগি ফাটত বুক ! ,

ভিক মাগি এহ, শ্রামে আনি দেহ,

ঘুচব তব ইহ দুঃখ ।

শ্রাম হাসি কহত, কাহে ধনী রোয়ত,

তুয়া ছোড়ি যাওব কথি ?

রিঝ মাঝ ইহ, রহতহঁ অহরহ,

তুঁহ প্রাণ, ধ্যান, জ্ঞান, গতি ! ২৯ ।

## প্রোষিত ভর্তৃকা ।

বা

প্রবাস ।

কুর্তশ্চিৎ কারুণ্যৎ যন্তা বিদূরস্হোভনেৎ পতিঃ ।

তদসঙ্গম দুঃখার্ভা সা স্ত্রাৎ প্রোষিত ভর্তৃকা ॥

বিরহে ব্যাকুল গোরা বিষাদিত মন ।

হাহা কৃষ্ণ ! গদ গদ প্রলাপ বচন !

পূরব ভাষিতে পছঁ হইলা বিভোর ;

নয়নে গলয়ে ধারা পতাই লোর ।



কভু ভাব ঘোরে,                  আপনা নেহারে,  
বসনে ঝাঁপিছে কার !  
করে কর আপনি,                  হিরা মাঝ ঝাঁপি,  
পর্যাণে পরাণ পায় !  
কভু বা নিয়ড়ে,                  হেরে বা কাহারে,  
হুঁ'বাহু পশারি ধার ।  
কেন বা এমন,                  কি ভাবে মগন,  
সখা নাহি ভাবি পায় । ৩১ ।

আর কি দিবে না দেখা শ্রাম গুণমণি !  
 আর কি সেবিতে পাব চরণ চুখানি ।  
 আর কি বঁধুরা আসি বসিবে না পাশে ?  
 স্নানাবে না মনোবাথা স্নানধুর ভাষে ?  
 মালা গাঁথি দিব গলে, মুখে দিব পান,  
 সে হাসি দেখিয়ে মোর জুড়াবে পরাণ ।  
 অশ্রুর পাখা দ্বিগুণ করিব বীজন,  
 তার প্রীতি-সুখ লাগি এ মোর জীবন ।  
 বজচাঁদ গেছে চলি, আছে হাহাকার !  
 বুধা হ'ল গাধা আশা, মিছা দেহভার ! ৩২ ।

দিবা নিশি দহে প্রাণ বারে ছ'নুন্ন !  
 কোথা যাই, কিসে পাই, শ্রাম প্রার্থন ।  
 আর কি 'গোকুল বলি' মনে আছে তাঁর ?  
 কার এত ছিল বল, গেছে এত কার ?  
 নাহি জানি গুণমণি কেমন যে আছে !  
 কে সেবে মনের মত, থাকি সদা কাছে !  
 ভাবিতে ভাবিতে মোর ধসিল পাঁজর !  
 সহেনা যাতনা আর ফাটিছে অন্তর ।  
 কি লাগি হওল সখা নিষ্ঠুর এমন ?  
 পাবে নাকি অভাগিনী আর দরশন ? ৩৩ ।

এইত পুলিনে গো—এইত পুলিনে,  
 প্রাণ-বঁধুয়া মোর বিরাজ করিত ।  
 • চরণে চরণ দিলে,  
 অধরে মুরলী ল'য়ে,  
 বামে চুড়া হেলাইরে, বাঁকা হ'য়ে দাঁড়াইত ।  
 রাধা রাধা রাধা রবে,  
 বাজিত বাঁশরী ধবে,  
 গোকুল আকুলিম্বর লহরী খেলিত ;—

যত বিধুরা ব্রজের বালা,  
 জুঁড়াতে মরম আলা,  
 সরম ভরম ভুলি' ছুটিবে আসিত।  
 সুমধুর বেণু তানে,  
 তৃণ ছাড়ি ধেমুগণে,  
 অবাক বিভোর প্রাণে, মুখ চাহি' দাঁড়াত ।  
 পবন স্তম্ভিত হ'ত,  
 যমুনা উজ্জান ব'ত,  
 পুলক-আবেশ রসে গোকুল ভাসিত !  
 সে ব্রজের হৃদয় রাজ,  
 হানিরে মরমে বাজ,  
 তাজিরে গোকুল আজ, কোথার রহিল গো-  
 শুধু দরশন আশে,  
 আছে প্রাণ হৃদাবাসে,  
 পুনঃ কি আমার শ্রাম হবে গো আমার !  
 নৈলে—দেগো বিদায় মোরে,  
 যাইগো জনম তরে,  
 নারিগো সহিতে প্রাণে এ যাতনা আর ! ৩৪

উজ্জ্বল-রস—বিপ্রলম্ব ও সন্মিলন । ৯১

তোরা আয় গো——আমি যাইগো,  
যাই, আগার শ্রাম যেখানে ।

উহু মরি মরি, ধৈর্য ধরিতে নারি,  
সহেনা, সহেনা, যাতনা প্রাণে !

কাল কাল ক'রে কতকাল হ'ল,  
পলে পলে মোর আশা যে ফুরাল,  
কইত এল না, মিছে এ ছলনা,  
প্রাণত আর প্রবোধ না মানে !

থাক্ তোরা, আমি আপনি যাইয়ে,  
কাঁদিয়ে, লুঠায়ে, চরণে ধরিয়ে,  
• প্রাণের বেদনা সকল कहিয়ে,  
বঁধুরে ফিরায়ে আনিব এখানে ।

না গদিস্ যাইতে——যাই যমুনায়,  
দেখি যদি মোর এ জালা জুড়ায়,  
• তোরা সবে ফিরে যাগো ব্রজ-পুরে,  
আমি ত ফিরে আর যাবনা সেখানে । ৩৫ ।



প্রতি দিবসে,                      রহি আশে, আশে,  
আসিবে মোর শ্রাম !

কেবা জানে পিয়া,                      কঠিন হইয়া,  
এতেক হওব বাম !

না বুঝি কি আশে,                      কোন লালসে,  
নিকষে না প্রাণ এহ ।

যদি গুণনি,                      ভুলল অধীনী,  
কি কাজে রাখই দেহ !

মনে ভাবি পুনঃ,                      কাহার পরাণ,  
বধি, বধ ভাগী হব !

কি আছে আমার,                      ইহ প্রাণ তান,  
জীবন যৌবন সব ।

তবু দহে প্রাণ,                      সদা আনন্দান,  
আগুণ জলিছে বৃকে !

শ্রাম স্নানাগর,                      বহল প্রবাসে,  
অভাগী রহে কি সুখে !

পুনঃ কি মাধব,                      এ ব্রজে আ ওয়ব,  
ঘুচব মনের ব্যথা !

বধূয়া ভেটিতে,                      আকুলিত চিতে,  
সখা বা ওয়ব তথা । ৩৬ ।

কুঞ্জ কানন, যমুনা তীর,  
মাধবী বিতান, ধীর সমীর,  
ককলি ত আছে যা ছিল ঘের্নন,  
যার তরে সখি ! এ সুখ সদন,  
বলে দাও মোরে কোথায় সে জন ?

এত গুণনিধি কার আছে পিয়া,  
কারারেছি তবু ফাটে নাই হিয়া,  
ধিক্ ধিক্ বিধি ! শীলা শেল দিয়া,  
গা'ড়েছে আমার দেহ প্রাণ মন !

এক বিনা ব্রহ্ম হ'য়েছে অধার,  
নীরস বিরস সব শূণ্যকার,  
কোথায় মাধব ! মোর প্রাণাধার !  
এনে দাও ওগো বাঁচাও ভীষন ।

অরি হুংখ নাই, এই ধ্বংস মনে,  
দেখাত হ'লো না শ্রাম-বঁধু সনে,  
দেখা তবে সেই এ মোর মিলানে,  
শ্রাম-কুচি নব তমালের বন !

মোর তরে তোবা ছুঃখ পেলি কত,  
 কি দিব, কি আছে দিবার মত,  
 দিছু খুলি' মোর আভরণ যত, '  
 পরি' তোরা মোরে করিস্ স্মরণ !

যায় প্রাণ যায়, হ'ল ওষ্ঠাগত,  
 পিয়ারে মরি মা চিত্র আকুলিত,  
 শুনা এইবার শ্রাম সূচরিত,  
 মরি' যেন পুনঃ পাই শ্রীচরণ ! ৩৭ ।

রাইক দশা হেরি,                      তুরিতে সহচরী,  
ধাওয়ল কানুক উদ্দেশে ।

নাশ্রিতে অশিব,                      নাম লেব্বত শিব,  
জপ্ততহি মনের আবেশে !

হা-হা গোপীশ্বর !                      গোপ-শুভকর !  
 করহু বিহিত বিধান ।

বিরোগ-বিধুরা-বালা,      কতছ' সহব জ্বালা,  
 দেহ বর তছু পিন্ন দান !

বসুন। উত্তরিতে,      [হেরত চারি ভীতে,  
সবছ' শুভ-সুখক্ষণ।—

যন্নার জল ভরি'                      কক্ষে কুস্ত করি,

চলে রামা সহাস আনন ।

আর এক গোপবাণী, লই মাথে'দধি ডালা,

হেলি হলি আশু চলি যায় ।

হেরে অদূরে পথে,      মেনুগণ বংশ সাথে,

সবে গোঠ পানে দ্রুত ধায় ।

দেখল দ্বিছবরে,      পুঁথি শোণ্ডে করে,

বায় বাহু নাচে আচম্বিতে ।

সবুজ স্নানকরণ,                      শুভ নিদর্শন, —

ହରଷେ ଗଣତ ଦୂତୀ ଚିତେ ।

উত্তরন মধুপুর,                      পুঁছত পঙ্ক দূর,

ଘାହାଁ ରହତ ଆସିବାର !

এক রান্না আগু আসি,      কহত হাসি হাসি,

ভোরণ পহু ইহ ভায় ! ৩৮ ।



দুই ভরিত পদে,                      খাওল তোরণ পথে,

হেরে দ্বারে বহুত প্রহরী ।

বিষাদে মলিন মুখ,                      দ্বিগুণ বাড়ল দুঃখ,

কৈছনে ভোটব হরি !

ঐছন সপ্তম দ্বার,                      কৈছনে উত্তরব,  
কৈছে মিলব বঁধু পাশে ।

অন্তর থর থর,                      লোচন আর বার,  
ভাবিতে ভেল নৈরাশে !

পুনহি রাইক মুখ,                      জাগল অন্তবে,  
তৈখনে বাঁধল হিয়া ।

অবশই মাধবে,                      মিলায়ব তা সনে,  
অবশই ভেটব পিয়া !

কুতাজলি-পুটে,                      বিনয় করুণ দিঠে,  
কহতই শুন বাপ দ্বারি !

কৃপা করি কহ,                      কৈছনে রাজ সনে,  
মিলব হাম হীনা নারী !

দ্বারী কহে কোন্ তুঁহ,                      ! কিবা তুয়া আশ্রয় !  
শুনয়িতে উপজয় হাস ।

এতহঁ সাহস ভারী,                      ভই কাঙালিনী নারী,  
বা ওয়বি রাজ-সকাশ ? ৩৯ ।

শুনি দূতীক মরম ব্যথা,  
দ্বারী বুঝল সবহঁ কথা ।

পূঁছেই আমি, সহচরী লই'—

উত্তরল যাহা মাধব হই ।

কান্থক হেরয়ি সুদিন মানি'—

প্রণমি, ব্রহ্ম যোড়ি পানি ।

আনন্দে পুলক সকল গাত,

লোচন ছল ছল, অবনত মাথ !

সখা কর অস্ত্রঃ ত্রঃখক নিশি,

উন্নত সুখ-ভাষু, হাসল দিশি ! ৪১ ।

( বাঁপতাল । )

শুন শুন রাধা-মনোমোহন !

বৈধেছ কি হিরে,                      শীলা শেল দিরে,

বধিতে গোপীর জীবন ! ৫ ।

( ছোট দশকুণী ! )

পাতি নানা ছলা কলা, মজারে গোকুল-বালা,

মাধু হ'রে এলে আর ঠাই !

৫ মোহনীরূপ রাশি, রমণী বধের কাঁশি,

জানিলে হে দেখিত কে টাই !

( ৭ )

এতত' পাষণ ভূমি,      গিয়া যদি বড়-ভূমি,  
 দেখে বঁধু আপন নরানে—  
 দেখিলে রাধার মুখ,      ফাটিবে তোমার বুক,  
 বড় বাথা বাজিবে কে শ্রোণে !

( একতালা । )

[ এস. হে, এস এস, ও কান্ধালিনি-নাথ !  
 যদি নাহি কথা কও,      রাই ব'লে না সুধাও,  
 শুধু চোকেব দেখা দেখে যাও ! —  
 এক বার রাধার দশা দেখে যাও !—  
 'ও ব্রজ-জীবন নাথ ! ]

( কাঁপতাল । )

আলুলিত কেশ বাস,      সঘনে বহে বাস,  
 হা হা রবে লুঠিতে ধরার !  
 শ্রাম, শ্রাম, শ্রাম রবে,      কনিয়া পুলিন বন,  
 বিয়োগিনী কান্দে উভরার !  
 কণ্ঠ বিচেতন,      কণেক বা চেতন,  
 থির রহে কণে—কণে দ্রুত ধার !  
 নবীন নীরদ হেরি',      ঘন বলে হরি ! হরি !  
 বাহু তুলি' হৃদে ল'ভে চারি !





( ধারা । )

ও পদ রাঞ্জিব রাজে, রাগিয়ে হিম্মার মাঝে,  
জ্ঞান শব্দে সখা ! মুদিবে নয়ন ! ৪০ ।

দশম দশা । ❀

তুমি লাগি নিশি দিন, ভাবিতে তনু ক্ষীণ,  
চৌদশী চাঁদ প্রমাণ !  
নয়নেতে নিদ নাট, যামিনী দিবস রাই,  
বসি রহে এক সমান ।  
ঐ আসে !—কই এল ? কালি বলি, চলি গেল',  
উৎকণ্ঠায় চাহে বাহিরিতে !  
দেহ অতি দুর্বল, ; চলিতেহ নাহি বল,  
নারে আর উঠিতে বসিতে !  
সোণার কমল রাই, আর সেহ রূপ নাই,  
বিষাদে মলিন মুখ থানি ।

\* চিত্তাহুর্জাগরণেগৌতানবং মলিনান্নতা ।

প্রলাপোক্তাধিকৃত্যাদো মোহো মৃত্যুদশা দশ ॥

## উজ্জ্বল-রস—বিপ্রলভ ও সম্মিলন । ১০১

কিবা করে, কিবা কর,      কভু মৌন ধরি রয়,  
কিবা ভাব কিছু নাহি জানি !

কভু দেহে ঝাঁপে বাস,      কভু উষ্ণ বহে শ্বাস,  
কভু শীত, কভু তাপ অতি !

কভু কাঁদে, কভু হাসে,      কভু দূর করে বাসে,  
যেন ঘোর উন্মাদের মতি !

কভু ছাড়া ! করি ধায়,      পড়ি' ভূমে মোহ যায়,  
দেখিতে লাগয়ে চিতে ভয় !

এখনো জীবন আছে,      না জানি কি ঘটে পাছে,  
এবে কর যে বিচার হয় ! ৪৩ ।

কেন গোপীর গরব বাড়ালে ?

যদি শেষ রাখিতে নারিলে ?

অতুল অমূল নিধি—কেন দীন জনে দেখালে ?

উঠা'রে অচলে, কেন অতলে ডুবালে ?

ও অমিয় মধুর স্বর,      কেন তারে শুনালে ?

সে যে ছিল ভাল, র'ত ভাল, কেন ভাল বুঝালে ?

মন ভোরা, জ্ঞানহরা, কেন রূপ দেখালে ?

সার সর্ববস তার, কেন ছলে হরিঙে ?

স্বধাম্বাদ দিবে, পীরিতি বলিয়ে, কি গরল পিয়ালে ?

এখন—তখন রাইয়ের জীবন !—খুব মেনে বাদ সাধলে ! ৪৪।

সুন্দরি ! মিছাই গজসি, কোন্ হামে পুছসি !

রোই রোই দিন যায় !

বিধি-বন্ধ, করম মন্দ,

তাই হুঃখ পাওলু হেথায় ! ৫ ।

স্বরণ হোয়ত বব সো সব হামার,

সোয়াথ না পাও চিতে, বাসি আঁধিয়ার !

বৈথনে আওয়লু তছু লোচন লোর,

কৈছনে ভুলব ?—মঝু হিয়া ভোর !

কৈছনে ভুলব সো কাতর বাণি !

কৈছনে ভুলব সো ঘুগ পাণি !

নিশি দিশি ধকধকি পোড়য়ে পরাণ !

আন কাজে রহ, তব তাহারি ধৈর্য !

কণহ বিলম্বন সহসি না পারি !

অবহ য়াওয়ব চল, যাঁহা মেরো প্যারী ।

নাহি জান রাজবালা কৈছন আছে !  
সখা কহ আও চলি, হেরব পাছে । ৪৫ ।

সহচরী সাথে,                      অবনত মাথে,  
আমি কুঞ্জ মার।                      •

চাহিতে না পারে,                      বচন না শূরে,  
দাঁড়াল নাগর রাজ ।

ধরলী শেযোপরি,            শুভি ছিল নাগরী,  
অব্রিতে উঠল বসি ।

নাগর হেরিষে,                      ଟାଂଚର ବିଛାରେ,  
 କହଳ ମଧୁର ଡାସି । ୪୬ ।

হেন কি ক'রেছ,                      কাহে এত লাজ,  
তুমিত হামারি পিয়া ।

এস বঁধু এস;                      হৃদাসনে ব'স,  
পাতিয়া রেখেছি হিয়া ।

বিধাতা বিমুখ,                      দিল এত দুঃখ,  
ভাগ যতেক মন্দ।

ভাগল হুঃখ,                      পাওরল সুখ,  
হেররি সুখ-চন্দ !



উজ্জল-রস—বিপ্রলম্ব ও সম্মিলন । ১০৫

আঁখিতে আঁখিতে বাঁধি,  
হিরায় হিরায় গাঁথি,  
রসেব পাথারে, না জানে সাঁতারে, হুঁহে নিমগল হুঁহাবে !  
মঞ্জু কুঞ্জ মাঝে,  
উজ্জল যুগল রাজে,  
পির পিরারসে, অলস আবেশে, মঞ্জরী সেবে পার !  
কোয়েলা কুজে কুছ,  
পাপিরা বোলে পিচু,  
ভ্রমরা গুঞ্জে, বঞ্চিত সখা, কিঞ্চিৎ ও রস চার ! ৪৮ ।

নিবেদন ।

বঁধু ! তুমি মে নয়ন-মুখি !  
দেখিতে তোমায়, সদা প্রাণ চার,  
নিমিখে প্রমাদ গণি ।  
মদির নয়নে, মোহনীর দীর্ঘি,  
অধরে অধুর হাসি ;  
শতেক বাঁধনে, বাঁধিয়ে পরাণে,  
করল তোমায় দাসী ।

আমার যে ছিলাম, হরল সকল,

প্রাণ, মন, দেহ, গেহ ।

এবে সাধ সুখ, তোমারই ও সুখ,

পীরিতি তোমারই লেহ ।

সুভাব সুরস, সুনাম সুবশঃ,

তোমারি সকল মোর !

তুমি বুঝ যেই, মনোকথা সেই,

তোমাতেই চিত ভোর !

কি বলিব আমি, কিনা জান তুমি,

গোপন মরম-কথা !

চিরান্ত্রিত দাসী, সেবা অভিনাষী,

চরণে শরণাগতা !

কেন এত কর, দাসী যে তোমার,

তারে কি এতই সাজে ?

সখা যে অযোগ্য, চরণ রেণুর,

অযোগ্য জগৎ মাঝে ! ৫৯ ।

স্বাধীন-ভর্তৃকা । •

যস্যোঃ প্রেমগুণাকর্যঃ প্রিয়ঃ পার্শ্বং ন মুঞ্চতি ।  
বিচিত্র সংভ্রমাসক্তা সা স্যাৎ স্বাধীন-ভর্তৃকা ॥

বঁধু । কেন বাধা বলে বাঁশরী ?

আভিরী কুলের বালা,                      ঘরে মোর শত জালা

কেমনে ও ধ্বনি শুনি ধৈর্য ধরি !

তোমায় কবিহে মানা,                      আর বাঁশী বাজায়োনা,

নাম ধ'বে ডাকে বাঁশী, সরস মরি ।

যদি হ'তে কুলনারী,                      বৃথিতে বেদনা তারি,

কি চুখে যাপয়ে দিন কুলের বহরী ।

শিখা ও মুরলী মোরে,                      বাজাই ও নাম ধরে,

নাগর হইয়ে তোমা করিব নাগরী !

দাও পরাইয়ে ধড়া,                      বাঁধি দাও শিরে চূড়া,

ও সুরভি বন-মালা দাও গলে পরি !

ফুল-আভরণ দিবে,                      দাও মোরে সাজাইয়ে,

কেশর কস্তুরী দিবে লেখ হৃদি'পরি ।

কৌস্তভ হৃদয়ে ধরি,                      চরণে নুপুর পরি,

বাঁকা হ'রে দাঁড়াইয়ে বাঁশী ফুকরি ।



দুজনে অধীব প্রাণে,                      দুই হেঁচ, দুই মুখ পানে,  
 নির্নিমেষে চেয়ে রই দিবা বিভাবরী !  
 বহি যাক বাগ্মবাত,                      হোক গত বহুপাত,  
 মোরা রব আশ্বহারা জগৎ পাসবি' । ৫০ ।



# পারিশিষ্ট ।

—○—

## প্রার্থনা ।

—\*—

### মনোহর-সাহী ।

- শ্রীবাসবল্লভ প্রভু ! করুণা সাগর !  
মোব সম কেহ নাই, অধম পামর ।  
জ্বিতাপে তাপিত তনু, ব্যাকুল জীবন,  
নিবাব এ তাপ প্রভু ! দিরা শ্রীচরণ ।  
সহজ দয়াল তুমি আসিয়াছি শুনে,  
তরিল ভুবন, প্রভো ! তব দয়া 'প্তনে !  
অযোগ্য, অসতমতি, অতি অভাজন,  
পতিত-পাবন বিনে, কে করে পাবন !  
• বড় ভরসার পদে সঁপিলাম মাথ,  
রূপা করি লহ নামে করি আশ্রমাৎ !  
তুমি না করিলে দয়া জুড়াই কোথায় ?  
শরণ লইল সখা শ্রীচরণ-ছায় ! ১ ।

বিনয়ের খনি,                      গৌর শিবোমণি,

গৌরান্ধ ভাবেতে ভোর !

গোবা-শৃংগময়,                      উদার-হৃদয়,

অপরশে দিল কোর !

পহু মোব দয়ার ঠাকুর !

তন্ময় চিত,                      ভাবে গদগদ,

পীরিতি রসের পুর ।

প্রেমে গর, গব,                      হিয়া খর খব,

ঝুরে আঁখি অবিরাম ।

পহু শ্রীনিবাস,                      পুনহু প্রকাশ,

যেন এ ধরনী ধাম !

সিদ্ধান্তের খনি,                      ভক্ত চুড়ামণি,

ব্রজের নবীন টাঁদ !

অপার মহিমা,                      কেবা কর সীমা,

গোপীর পীরিতি কাঁদ !

সে রূপলাবনি,                      করুণ চাহনি,

অরুণ চরণ শোভা !

হেন দশা হব,                      পুনঃ কি হেরব,

সখার মানস-লোভা ! ২ ।

হা হা মোর গোর কিশোর !

ଇମିତ ବସ୍ତାନ,                      କରୁଣ ନୟାନ,

তনু মন রস ভোরি ! •

ଭୁବନେଶ୍ୱର, ରାଜ୍ୟ ନାଗର,

**পতিতপাবন জ্ঞানি !**

ସବୁ ଚିନ୍ତା ସମ,                      ତ୍ରିପଦେ ଅର୍ପଣ,

কৈনু শীতল মানি।

ତୁହିଁ ଶୁଣାନିଧି,                      ଦୟାବ ଅବଧି,

তুষা! সম কেহ নাই !

তুহଁ তাপিত জনার, সুখের পাথার,

ডুবিস্না সোয়াথ নাই।

ঐ অকূলের তরী,      শ্রীপদ তুহারি,

পরম ভরসা করি—

বিনামূলে তাই,            বিকাসিছু পায়,

রাখিও চরণে ধরি ।

বঁধু ! নিদ্রা হ'য়ে না,      তেরঙ্গ ক'য়ে না,

**ଗତି-ସ୍ଥିତି-ହୀନ ଅସ୍ଥିତି !**

তুহঁ জগতের-পতি,                      জগতে খেয়াতি,

সখা বা ঘাইবে কতি ? ৩ ।

ভজন সাধন,                      শ্রীশচীনন্দন,

ও নাম গলার হার !

জপ: তপ: ধ্যান,                      স্ববগ মনন,

দেহের গেহের সার !

কহ বিশ্বস্তর,                      গৌর সুন্দর,

শ্রীকৃষ্ণচৈতন্য নাম ;—

মুচিবে যাচনা,                      বিষয়-বাসনা,

লভিবে প্রাণারাম !

ব্রজের সস্তার,                      প্রীতি-রস-সার,

ভাবিনীর মহাভাব—

মিলে অবহেলে,                      সে নাম অরিলে,

লভি' স্বরূপ-স্বভাব ।

অকপটে সবে                      গাও গাও তবে,

রসরাজ-গোরা গুণ ।

কিছু নাহি আর,                      সেই পদ সার,

গাও গাও পুনঃ পুনঃ ।

শ্রবনে, স্বপনে,                      সজনে, বিজনে,

গাও তাঁহারি নীলা ;

অনিলে চরিত,                      গলে পশু-চিত,

দরবয়ে দারু নীলা ।

## परिचित

दे नाम कहिये, देसाय उचिये,  
पाहेन श्रेय मदेव ।

कयू अचरि, नाम नहि कहि,  
सधु ना उचिये उदेव ।

ना कानि उचन, ना कानि पुखन,

नाहि श्रान सिद्ध साधना ।

अहि ए हीन कान, ताव निहकलन,

उत कानि उव कर्कण ।

पुन उदे उदे, उगाडे, याकाडे,

कयम अकान अरि,

उमावदे कणाय, उमा उदे मर,

पुच्छि-भावस यागि ।

सुख सुख, सुख सुख !

नैन—कयमे कि सुख सुख,

उव अकले गममे, कयमे कयमे,

सुख सुख सुख सुख !

दुखि ए कान, कयमे उमाव,

पाहेन उमाव नाम ।

যদি পার হে আমারে,      তারিতে হস্তরে,  
 ভবে জানি কৃপা-ধাম !

অধম অজ্ঞান,      আমার সমান,  
 কেহ নাই ভবে আর !

যদি দয়াকর,      সখা স্নপামর,  
 'অনায়াসে হর পার !

কিবা শ্যামল স্নন্দর,      মুরতি মনোহর,  
 ইন্দ্রনীল নিভ ভাতি !

শিরে চুড়া বাঁকা,      উড়ে শিখি-পাখা,  
 শ্রীমুখে কোটি-চাঁদ-দ্যুতি !

বন-হার গলে,      গুঞ্জ-মালা দোলে,  
 উরসে কোমল রতন !

হৃদি-পরে লেখা,      ভৃগু-পদ-রেখা,  
 কটী-তটে পীতবসন !

রাধা-সাধা-স্বর,      'মুরলী মধুর,  
 রাজিত কোমল করে—

যমুনা উছলে,      বিহগ কাকলে,  
 ব্যাকুলা গোপিকা স্বরে !





জয়—গহাভাষেখর,                      রাধা-মনোহর,  
অঙ্গ-বধু-চিত-হারি !

কুরু কৃপাদান,                      দীন জন যাচে,  
সখা তব কৃপার ভিখাবী ।

• থোরে ঠারছ' দোননে !

পিয়ামিনী,                      ইহ চাতকিনী,

জুড়ায়ব, তব দরশ-রস পাণে ! ॐ

চাহি চাহি কত গত দিন মাসা,  
পিব পিব আশে বাঢ়ত পিয়ানা,  
কবছ' মিটারব এ থর তিয়াসা,  
কতকাল গোঙায়ব জলদ ধোয়ানে !

তু'হি প্যারো ! নব নীর-ধর,  
রাধা-দামিনী-দে নরকে তুছ' পর,  
বধি সুধাসার চাতকী অধর পর,  
জিয়াও বধু ! ইহ ভিখ দানে ।

মঞ্জরীগণ ঘেরি দেহ করতারি,  
হাস মিঠি মিঠি রাধা বনোয়ারী,  
উছসি ভুবন, হাস-সুধা-রসে—  
তিতব উষর চাতকী পরাণে !

## প্রভাতী ।

রামকেশী—একতালা ।

জয়—শ্রীশচী-নন্দন,                      গদাধর-জীবন,

শ্রীবাস-অঙ্গণ-নর্তন !

জয়—দ্বিজ-কুল-উজ্জল,              নিজ-জন-বৎসল,

শ্রীমুখ সরসিজ-শোভন !

জয়—কনক-রুচির,                      গৌর-সুন্দর,

সর্বগুণাশ্রয় পরাৎপর !

জয়—প্রেম মুরতি-ধর,                      প্রভু বিশ্বস্তর,

রসরাজ-মহাভাব একাধার !

জয়—কুটিল কুন্তল,                      অপাঙ্গ চঞ্চল,

নয়ন-খঞ্জন-গঞ্জন !

জয়—সংকীৰ্ত্তনপর,                      কলি-কুলুঘহর,

ভব-ভর-তারণ-কারণ !

জয়—মারাপুরেশ্বর,                      শুভাষর ধর,

বিষ্ণুপ্রিয়েশ্বর প্রিয়বদ !

জয়—নবদ্বীপ প্রাণ,                      আৰ্ত্তজনপ্রাণ,

দীন-জন-সব-সুখ-সম্পদ !

জয়াদৈত স্তুত, স্বরূপ বন্দিত,  
জগদানন্দ প্রাণাধার !

জয়—গজপতি পাবন, রামানন্দ-প্রাণ,  
হরিদাসেশ্বর সারাৎসার !

জয়—গোবিন্দ-সেবিত, মুরারী পূজিত,  
মুকুন্দ, বল্লভ-পাবন !

জয়—শ্রীকৃপ-প্রাণধন, সনাতন-জীবন,  
সার্বভৌম-চিত-শোধন !

জয়—নিত্যানন্দময়, রঘুনাথশ্রয়,  
গোপীনাথ-ভীতি বারণ !

জয়—সচল জগন্নাথ, গোপালভট্ট ভাত,  
প্রকাশানন্দ উদ্ধারণ !

জয়—ভবাক্ষি-ভেলক, কল্যাণ-পাবক,  
ভকত বৎসল দয়াঘন !

যাচে কৃপাশ্রয়, সখা দাসাভাস,  
দেহি দেহি দীনে বর-চরণ ।

রামকেলী—একতালা ।

জয়—যশোদানন্দন, রাধিকা জীবন,  
গোপিকা রঞ্জন মোহন !

ক্ষয়—মদন-মোহন,                      মদন-মর্দিন,  
 বদন নীলাঞ্জ শোভন !                      °   °

জয়—নবধন লাহন,      পীতবাস পিকন,  
শিরে শিখণ্ডক ভূষণ !

জয় - বৃন্দাবিধিন ধন,                      ধেমুগণ চারণ,  
দ্বিজ মন:-তমঃ-ঘন-নাশন ।

জয় — কেশী-বিঘাতন,                : যধু-মুর নাশন,  
                    কালীয় বিষধর গজন !

জয়—শঙ্খাসুবাদন,  
গোপেশ হরষ বর্দ্ধন !

জয় — শকট-ভঞ্জন,                      কৈটভ-শাসন,  
যমল অৰ্জুন-মোচন !

জয় — ইন্দু-গর্ভহর,                      গোবর্দ্ধন-ধর,  
বিরাঙ্কি-বন্দন পাবন !

জয়—পুতনাধাতন,                  অঘ-বকু-নাশন,  
‘রাসেশ্বর, হর-বন্দନ !

জয় — গোপীশ্বরেস্বর,  
কুণ্ড-তট চর,  
কেলী কলারম মগুন !

জয়—বেণুধামনপর,                      গোপীবাসহর,  
তপন তনয়া-ভট গোভন !

জয়—ঘনমালাধর,                      সুরস-রঙ্গপর,  
 নিধুবন নিকুঞ্জ বিচরণ !  
 জয়—কৃষ্ণগোবিন্দ,                      কেশব যুকুন্দ,  
 গোকুলানন্দ দামোদর !  
 জয়—শ্রীশ্যামসুন্দর,                      কৌস্তভ উবঃধর,  
 শ্রীবৎসলাঙ্কিত মনোহর !  
 জয়—ত্রিলোকতারক,                      ত্রিতাপহারক,  
 মাধব, মনোজ-যথন !  
 লহ সখাদাসে,                      শ্রীপদ-যুগ-পাশে,  
 ভব-পাশ-বন্ধন-খণ্ডন !

## আরাত্রিক ।

শচীর অগ্নিদ পরে,                      হরষিত অন্তরে,  
 বৈঠল গৌরাদ সুন্দর ।  
 তাম্বূল সম্পূটে ভরি,                      দাঁড়াইল নরহরি,  
 চামর ঢুলার গদাধর ।  
 কেহ গন্ধ দীপ জ্বালে,                      অগুরু চন্দন ভালে  
 .                      দিল কেহ, আনন্দ অন্তরে ।



মজ্জু কুঞ্জ বনে,                      "মরকত আসনে,  
বৈঠল বরজ-দুলারী ।

পিকনে নীল-বাস,                      সুধাধরে মৃদু হাস,  
 রূপে তিন ভুবন উজ্জারি ! ॥ ৭ ॥

জয় জয় বৃষ-ভানু-রাজ-কুণ্ডলি !  
 কিরে কম নিগুরূপ,      কিরে সুধা-রস-কূপ,  
 বিভোর লুবধ নয়ন চকোরী ।

শ্রীচরণ সরসৌজে,                      ভকত মধুপ রাজে,  
সুধা পিতে কতই উল্লাস!

শ্রীকর-নখর-পরে,            শশধর দ্যুতি করে,  
কোটি টাঁদ বদনে প্রকাশ !

ঘেন মণি-যুত ফণী,      হলে বিননিত বেণী,  
 নাসাপুটে গজমতি রাজে !

କଳାନିଧି କଳାଞ୍ଜିନି,    ଅଛାଁଦ ଲଗାଟ ଥାନି,  
 ଶିଂଥକ ସିନ୍ଦୂର ଗୁଡ଼ି ମାଞ୍ଜେ !

କମଳ ହୁକୋମଳ,                      ସ୍ବିଚ୍ଛା ନିରମଳ,  
କରୁଣ ନୟନ ହାସି ଚାନ୍ଦ ।

সে দিঠি পরতাপে,                      হাসে চরাচর,  
অবুত জগত জুড়ার !

প্রিয়সখী ললিতা, মধুর আরতি করে,  
 কেহ করে মঙ্গল গান ।  
 মৃদঙ্গ মন্দিবা, মুরজ মুরলী বীণা,  
 ধ্বনি উঠে গগন সমান !  
 দেবগণ হবষে, কুসুম বরষে,  
 পূনকে পূরিত প্রাণ !  
 ব্রহ্মা, বিষ্ণু, শিব, আসি করযোড়ে সব,  
 করে তিঁহ আরতি গান !  
 মিনতি শ্রীমতী, বার বার নতি,  
 অনুমতি দেহ সেবিকার—  
 অঞ্জরীগণ সনে, অতি পূনকিত মনে,  
 সখা সেবে তব যুগ পায় !

নিভৃত নিকুঞ্জ মাঝে, রতন আসন সাজে,  
 'তাহে বসি' যুগল কিশোর ।  
 মধুর স্নহীর হাসে, নানা রসযুত ভাষে,  
 ভাষরসে উভয়ে বিভোর !  
 দোখি সন্ধ্যা সমাগত, ল'য়ে সখীগণ যত,  
 রত্নদীপ, আরতি সজ্জার—



রাধাশ্রমে জন্ম দিয়ে, দাঁড়াল মণ্ডলী হ'য়ে,

গদ গর অন্তর সবার ।

নানা যন্ত্র সুর তান, উঠিল মঙ্গল গান,

তনু মন হরষে পুরিল ।

আনন্দের নাহি ওর, নাচে গানে সবে ভোর,

সুখ-সিদ্ধ উথলি উঠিল ।

অন্তরীক্ষে দেবগণ, করে সবে ববিষণ,

গন্ধ, মালা, কুসুম-আসার !

রসময় কুঞ্জবন, প্রীতি-রসে নিমগন,

একলে বঞ্চিত সখা ছার !

## সংকীৰ্ত্তন ।

আমার প্রাণ ল'য়ে—ঐ গোরা যায় !—

( বাহু হেলাইয়ে, দোলাইয়ে । )

ত্রিজগৎ মাতাইয়ে, ভাসাইয়ে রূপের ছটায় !

পুলকে পূরিত কার, কণ্টকিত তরু প্রায়,

(গোরা) কভু হাসে, কভু নাচে, কভু বা লুঠায় !

কভু কাঁপে পরহরি, মুখে হা হা হরি ! রি হ !

বিরহে ব্যাকুল হ'য়ে কাঁদিয়ে বেড়ায় !

নালাচল-নাথে হেরি,                      শূলক আবেশে ভরি',  
 জজ-জজ-গগ-বলি' হৃদে ল'তে ধার !,  
 বচন না ফুরে মুখে,                      দু'টী হাত ধরি বুকে,  
 গদগদ হ'য়ে ডাকি' কাঁদিয়ে কাঁদায় !  
 ভাবের আবেশে গোরা,                      তনু মন রসভোরা,  
 প্রেমের পাথারে ভাসি সবারে ভাসায় !  
 আলিঙ্গন পাশে বাঁধি,                      আচঙালে বলে কাঁদি,  
 (একবার) হরি ব'লে কিনে লও, ধরি সবার পায় !

শ্রীগোবিন্দ প্রেমনিধি, দয়াল নিত্যানন্দ !  
 হরে কৃষ্ণ হরে রাম, শ্রীরাধে গোবিন্দ !

গোরা গুণনিধি,  
 কৃপার অবধি,  
 কেহ নাই ভবে আর ।

যে জন শরণ, . .  
 ল'য়েছে চরণ,

সে জানে সে গুণ তার !  
 একবার অকপট হ'য়ে,  
 শ্রীগোবিন্দ বলিয়ে,  
 ডাকিয়ে দেখনা বদন !

দুঃখ-জালাময় —

তাপিত হৃদয়,  
জুড়াবে, নিবিব দহন !

শ্রীগৌরানন্দ নাম,  
শান্তি-সুখ-ধাম,  
প্রেমদ-আনন্দ-সদন ।

মিছে কি রটনা  
বারেক রটনা,  
মজিবি, বুঝিবি যখন !

যখন আঁধার দেখিয়ে,  
উঠিবি কাঁদিয়ে,  
খুঁজিবি কে আছে আপন !

কুল মান ধন,  
গৃহ পরিজন,  
কি আর করিবে তখন !

তবে, কেমনে পাসরি,  
সে প্রাণের হরি,  
যে জন শমন শাসন !

তবে, ভজরে ভজবে,

মজরে মজরে, . . .

লগরে শ্রীপদে শরণ ! .

শাস্ত্র বেদ বিধি,

সবে দেয় বিধি,

হরি নাম সর্বসার !

বিনে হরি নাম,

দিতে নিত্যধাম,

ক্ষমতা আছে বা কার ?

তবে কেমনে ভুলিলি,

কিসে বা মজিলি,

ডুবিলি মোহে বা কার ?

হারা হ'য়ে তরী,

তৃণপাত ধরি,

সাধ কেন বাঁচিবার ?

এখনো বদনে,

বল্‌রে সঘনে,

মধুব শ্রীহরি নাম !

পাপ তাপ যাবে,  
শমন পলাবে,  
লভিবি আনন্দ-ধাম !

গোরা নটবাজে, '  
বাঁধি হিয়া মাঝে,  
পরায়ে পীরিতি ভোব !

স্বরূপ স্বভাবে,  
ভাবিনীৰ ভাবে,  
বহিবি সতত ভোর !

শ্রীকৃষ্ণচৈতন্যার্ণবমস্ত

















